

40111
319



弁山堂別集卷六十六

吳郡王世貞元美編

巡幸考

高皇慎舉動惜煩費自即位後以天下大計嘗一幸
汴梁再幸中都自是深居法宮無都外之蹕 文皇
定鼎幽都北巡者三世宗相定顯陵南邁者一然不
過傍覽形勢行游較獵獨 武廟輕離六師馳騁八
駿不無祈招之歎焉書巡幸考

洪武元年四月癸亥 上以大將軍達等定河南山
東有勤都汴梁者躬往視之是日以宿衛兵十萬發

京師五月癸酉駐蹕邳州庚寅至汴梁辛卯改汴梁
爲開封府左右副將軍平章常遇春都督馮宗異師
還入謁癸巳置中書分省于開封六月庚子朔大將
軍右丞相徐達師還入謁壬寅躬祀開封諸神仍遣
官分祭境內山川癸卯大將軍辭行在還次河陰乙
丑賜北征諸將夏衣七月壬申 上親畫征進陣圖
授大將軍達辛卯 上將發開封大將軍達復自陳
橋入辭丙申 上發開封命右副將軍宗異留守閏
七月己亥朔遣師犒北征將士丁未 上至自開封
八月己巳朔詔以金陵爲南京大梁爲北京以春秋

往來巡狩

八年夏四月辛卯 上幸中都鳳陽府是日發京師
抵滁州遣官祭滁陽王廟甲辰駐中都祭告天地於
園丘謂臣每詢儒者言皆曰有天下者非都中原不
能控制臣心不忘洪武初年平定中原臣即至汴意
在建都以安天下及觀生民凋弊轉輸艱難恐益勞
民遂命群臣會議皆曰濠地古之鍾離於此建都庶
合古今之宜以此兩更郡名今爲鳳陽建立都城土
木之後實勞民力功將告成惟 上帝后土是鑒乙
巳 仁祖淳皇帝忌日 上躬詣 皇陵致祭是日

遣官祭開平忠武王常遇春祠丙午遣國公李文忠
祭外祖楊玉墓辛亥 皇妣淳皇后忌日 上躬詣
皇陵致祭丁巳還京師詔罷中都役作自是 上
不復巡幸矣

永樂六年八月丙子朔 上以明年春巡狩北京命
禮部會公侯伯五府六部都察院翰林院等衙門官
會議合行事宜已卯禮部議奏巡狩合行事宜
一詔告天下諸司及各處鎮守總兵官知會
一禮部仍行各處凡有重事并四夷來朝俱達行在
所仍具本啟聞其餘事務奏啟俱達京師啟聞施行

事有疑礙者在京合該衙門具箋取自 上裁

一凡進拜表箋表文達行在所奏文達京師

一禮部預行經過所在軍民衙門俟 車駕至官吏

生負耆老朝見及預行北京畿內文武衙門令掌印

官候 車駕至朝見

一祭祀車駕將發奏告 天地 社稷 太廟 孝

陵祭大江旗纛等神祓祭于承天門其經過處所滁

州遣官祭滁陽王泗州遣官祭 祖陵鳳陽祭 皇

陵祭淮關里遣官祭先師孔子望祭泰山緣途古先

聖賢忠臣烈士祠壇禮部預期奏聞遣官致祭將至

北京境上設壇祭北京山川等神 車駕至北京奏
告 天地祭告境內山川等神

一扈從在京馬步軍五萬人內馬軍一萬步軍四萬
馬軍五千步軍五千充 駕前軍餘馬軍五千步

軍三萬五千分五軍率領每軍馬軍一千步軍七千
以都指揮指揮千百戶管領錦衣衛仍選將軍五百
人校尉二千五百人力士二千人在外馬軍一萬人
山東一千四百人駐兗州府陝西二千五百人駐宿
州於不係邊境衛所選撥遼東四千人駐河間府湖
廣一千一百人赴京城河南一千人駐涿州俱以都

指揮一員率領以俟扈從在外步軍二萬人湖廣武
昌衛武昌左衛四千人岳州沔陽二衛一千人駐鳳
陽安陸襄陽蘄州黃州四衛二千人駐徐州河南南
陽陳州信陽三衛一千五百人汝寧衛一千人駐德
州河南弘農二衛一千人駐大名睢陽歸德寧山三
衛千五百人駐定州宣武寧國安吉三衛四千人太
原左右前三衛二千人平陽潞州二衛二千人駐涿
州俱以都指揮領之一侍從五府都督各一員首領
官一員吏六人吏部堂上官一員文選等四司官五
員辦事官二十員歷事監生四十人人材五十人吏

舟山堂別集 卷之六
十人戶部堂上官一員北京等十二司官十三員辯
事官十員吏二十四人禮部堂上官二員儀制等四
司官七員辯事官十員吏十二人鑄印局官一員吏
一人匠六人兵部堂上官一員武選等四司官七員
辯事官五員吏十五人刑部堂上官一員浙江等十
三司官十三員辯事官五員吏十二人工部堂上官
二員營繕等四司官十員辯事官二十員吏十五人
都察院堂上官一員浙江等十三道監察御史二十
四員辯事官五員吏二十四人通政司堂上官二員
首領官一員吏六人大理寺堂上官一員左右寺官

六員吏十人太常寺堂上官二員首領官一員吏二
人贊禮郎四員協律郎一員司樂一員樂舞生二十
人厨子五十人光祿寺堂上官三員首領官一員署
官十七員辯事官六員吏三人厨子一千人鴻臚寺
堂上官四員首領官一員司賓司儀二署官各一員
序班四十員鳴贊四員及通曉夷語者斟酌帶去翰
林院內閣官三員侍講脩撰典籍等官六員書制誥
秀才八人及譯寫四夷文字監生十三人尚寶司官
二員吏科給事中三員戶科給事中三員禮科給事
中四員兵科給事中三員刑科給事中三員工科給

事 中三員中書舍人四員寫誥秀才五人行人司行人十員太醫院堂上官二員御醫二員生藥庫官一員醫士摘選三分之一吏三人欽天監官三員天文生十五人教坊司奉鑾韶舞司樂各一員俳長色長樂工斟酌用之一扈從文武官軍人等陸路文武官員寫制誥秀才譯字監生緊用供應醫士天文生及厨役人等俱給馬騾馬驢匹官給外脚力驢給鈔六十錠令自備辯事官監生人材吏典及醫士厨役等非緊用者人給脚力鈔二十錠隨伍官員將軍校尉力士旗軍每二人給驢一匹知不敷亦給鈔六十錠

自備水路俱應付舡隻遇陸路應付車輛一緣途各站每站增馬二十匹令附近衛所馬軍內差撥仍命附近有司備車一百輛無車之處起夫五百人聽候一經過處所支給糧草扈從官員人等日給行糧二升馬日給料四升草一束馱料一升草一束一車駕將發宴在京文武群臣賜扈從文武官員軍校人等鈔公五十錠侯四十錠伯三十錠一品二品二十錠三品四品十五錠五品十二錠六品七品十錠八品九品八錠未入流及辯事官將軍總小旗人鈔七錠將軍各衛總小旗人鈔六錠監生秀才吏典

人材醫士樂舞生軍校力士厨子工匠人鈔五錠軍
伴皂隸樂工人等人鈔四錠在外衛所扈從及各處
駐劄官軍依京衛官軍例給賞

一車駕至北京宴文武群臣耆老賜官員人等及命
婦鈔其嘗守城婦女論次行賞

一恭遇 萬壽聖節公侯駙馬伯文武官四品以上
近侍官及監察御史預宴五品以下并辦事官監生
秀才吏典宣民工匠人等依例賜鈔一錠

一五軍六部都察院大理寺錦衣衛各鑄印信通政
司鴻臚寺各鑄關防一扈從官員有牙牌者隨身懸

帶以憑關防出入

一經過郡縣分遣廷臣考覈守令賢否即加黜陟分
命給事中監察御史存問高年賜幣帛酒肉

一經過鳳陽陵戶及親戚人賜鈔六錠耆老迎見者
人鈔三錠泗州陵戶親戚耆老迎見者賞如之 上

覽之曰可

七年正月乙亥命禮部遣使于巡狩所經郡縣存問
高年賜八十以上者肉五斤酒三斗九十以上者加
帛一疋二月辛巳以巡狩北京告 天地 宗廟社
稷士午遣宮祭承天門及旗纛京都諸廟禮典并大

江之神 車駕發京師癸未駐蹕滁州遣官祭司馬
豐山栢子龍潭滁陽王泰山池河之神庚子車駕至
濟寧州嗣魯王肇輝迎于道傍周旋進退儀度可觀
上嘉召至行殿賜酒饌錫賚甚重仍敕山東布政
司賜王米一千石

永樂七年二月甲辰朔駐蹕東州望祭泰山辛亥
駐蹕景州望祭恒山及北京山川壬戌 車駕至北
京于奉天殿丹陛設壇告 天地遣官祭北京山川
城隍諸神 上御奉天殿受朝賀
八年冬十月丁酉 車駕發北京先期于奉天殿丹

陛設壇告 天地遣官祭告北京山川城隍旗纛諸
神其所經陵寢神祠祭禮如初甲寅 車駕次濟寧
州魯王肇輝來朝賜綵幣等物勅戶部加賜米千石
丁巳 車駕次臨城時賢妃權氏侍行以疾薨賜祭
謚恭獻權厝于嶧縣甲戌 車駕至京師遣官祭告
天地 太廟 社稷孝陵承天門及京都祀典旗纛
諸神 上御奉天殿受朝賀大宴文武群臣
十一年正月壬午 上將巡狩北京勅諭天下文武
群臣凡親王及官吏軍民朝見與道途宿頓供給悉
準永樂七年之令己丑命五軍及錦衣等十二衛各

選精銳將士扈從二月甲子以巡狩北京告 天地

宗廟 社稷辭 孝陵乙丑遣官祭承天門旗纛京

都諸廟及大江之神 車駕發京師命禮科給事中

監察御史所過存問高年賜帛酒肉帛辛未 車駕

至鳳陽祀 皇陵賜耆民年八十以上者人酒三斗

肉五斤九十以上者加帛一匹三月乙酉 車駕次

濟寧魯王肇輝來朝賜鈔幣并米一千石夏四月巳

酉 車駕至北京 上于奉天殿丹陛設壇告 天

地遣官祭北京山川城隍諸神遂御奉天殿受朝賀

宣德三年秋七月壬辰 上御奉天門召公侯伯五

府都督面諭曰胡虜每歲秋高必擾邊北來邊俗不

審何似東北諸關隘皆在畿內今農務將畢朕欲因

田獵親歷諸關警飭兵備卿等整齊士馬以俟丁酉

太師英國公張輔上扈從士馬之數命行在戶部每

卒給一月行糧加麥三斗為乾餼行在工部給胖襖

褙鞋戊戌命行在兵部太僕寺選民間所畜官馬給

騎卒壬寅命行在兵部凡扈從文武官及將軍悉準

永樂中例給脚力馬馱及其僮從悉給行糧勅通州

三河薊州遵化軍衛有司諭以將親巡邊毋科攬車

民以為進獻道路可通行足矣毋勞民脩治勅都督

陳景先脩灤河橋癸卯命少師蹇義少傅楊士奇少保夏原吉太子少傅楊榮禮部尚書胡濙兵部左侍郎王驥刑部左侍郎施禮工部尚書吳中僉都御史凌晏如太常卿兼學士楊溥大常卿姚友直大理少卿王貴等各率其屬扈從仍諭諸將師行須嚴紀律申號令甲盛必鮮明兵器必鋒利軍容必整肅毋縱士卒擾百姓丙午告太廟丁未發京師九月車駕入薊州境駐蹕州西之五里橋州文武官吏耆老朝見諭州官以漢漁陽太守張堪爲政諭耆老訓勵子孫務禮義廉恥辛亥至石門驛喜峯口遂親征兀

良哈以下見親征

正德十二年五月癸未

上微行至石經山湯峪山

玉泉亭數日乃還石經山寺朱寧所營建也窮極壯

麗乃邀

上幸焉八月甲辰朔

上微服從德勝門

出幸昌平外廷猶無知者辛未

上度居庸關遂幸

宣府令太監谷大用守關無縱出者九月甲戌朔

上駐蹕宣府江彬宣府人欲挾

上自恣始誘爲西

北之行既幸宣府遂營建鎮國府第時時夜出見高

門大戶即馳入或索其婦女於是富民厚賂彬以求

免父之軍士樵蘇不繼至燬民屋廬以供爨市肆蕭

然白晝戶閉十一月戊子 上還至宣府十二月內
閣大臣及九卿至居庸關請 駕有禁不得出關而
還又十二月壬申朔 上留宣府大學士楊廷和等
以次出視郊祀牲如常儀有 旨戒諭京城九門守
門官勿放朝官出城丁亥立春 上迎春于宣府備
諸戲劇又飭大車數十輛令僧與婦女數百共載婦
女各執圓毬車既馳交擊僧頭或相觸而墮 上視
之大笑以爲樂是日順天府官于奉天門進春如常
之儀

正德十三年正月庚戌大祀天地于南郊祀畢

上復幸南海子辛亥 上自南海子還宮出御奉天
殿文武群臣行慶成禮以所獵獐鹿賜文武大臣及
科道官辛酉 上復如宣府二月庚午朔 上在宣
府巳卯 慈聖康壽太皇太后崩越三日壬午 上
至自宣府乃發喪六月庚辰 孝貞太皇太后梓宮
發引先期結平臺與順天府交衢相值 上晨出北
安門迎 皇太后及皇后御平臺候殯復入至清寧
宮率番僧梵咒乃發引遂親奉 梓宮朝 祖百官
衰經徒步送至德勝門外其送葬官騎送沿途皇親
群臣命婦各祭如儀祭時 上戎服馳馬過顧侍郎

馬逸爲邏卒所獲牽至 上前遂乘之是夜宿清河
癸未梓宮至 山陵獻殿行安神禮遣工部尚書李
鏊祭告 后土并天壽山之神遣駙馬都尉崔元林
岳馬誠分告 長陵 獻陵 景陵 裕陵 茂陵
泰陵 上忽馳馬至山下陪祭官皆驚散 上飲于
帳殿遂宿焉七月己亥太監蕭敬傳 旨近年以來
虜酋犯順屢害地方且承平日久誠恐地方兵戎廢
弛其遼東宣府大同延綏陝西寧夏甘肅尤爲要甚
今特命總督軍務威武大將軍總兵官朱壽統率六
軍隨布人馬或攻或守即寫各地方制敕與之使其

必掃羶羶靖安民物至于河南山東山西南北直隸
倘有小寇亦各給與勅書使率各路人馬剪削朱壽
者上別名也是日復召內閣大臣及九卿科道官至
左順門諭意衆皆泣諫不納丙午 上復北幸黎明
由東安門出群臣知而送者五十二人丁未 上度
居庸關歷懷來保安諸城堡遂駐蹕宣府初江彬勸
上於宣府治行宮越歲乃成糜費不可勝計復輦
豹房所貯諸珍玩及巡遊所收婦女實其中 上甚
樂焉每稱曰家裏還京後數數念之不置彬亦欲專
寵俾諸幸臣不得近數導 上遠出及再度居庸仍

戒守者毋令京朝人來往蓋 上厭大內初以豹房
爲家至是更以宣府爲家矣八月戊辰朔 上在宣
府乙酉 上自萬全左衛歷天城陽和至大同九月
戊戌朔駐蹕大同先是鎮守太監馬錫以總兵葉椿
第爲敵遂爲總督府居焉又奪都指揮關山指揮楊
俊宅店二所改爲酒肆榜曰官食庚子 上至偏頭
關時 車駕至貴近多先掠良家子女以充幸御至
數十車在道日有死者左右不敢聞十月戊辰 上
渡黃河已卯駐蹕榆林十一月 上至綏德州幸總
兵官戴欽第尋納欽女戊寅 上自榆林歷米脂綏

德渡河幸山西石州文水諸州縣十二月戊子駐蹕
太原先是幸偏頭關取太原晉府樂工楊騰妻劉良
女嬖之及是復召見大得幸十四年春正月戊辰發
太原壬子至宣府往返數千里皆輕騎戎裝冒風雪
以行有司具輦却弗御二月壬申還京師文武群臣
具綵帳銀幣羊酒迎于德勝門外如先年儀十四年
正月己丑 上手勅禮部總督軍務威武大將軍太
師鎮國公朱壽令往南北兩直隸山東泰安州等處
尊奉 聖像祈福安民內閣府部大臣及科道部屬
等官各具疏懇諫上不納八月甲辰寧王宸濠友書

聞詔討之

詳見親征

九月癸未

上發京師丁亥至

涿州由太監張忠私第九月壬辰朔駐蹕保定府張宴後堂與巡撫都御史伍符藏閹醉之酒以爲樂癸巳發保定戊戌至臨清山東鎮巡官皆從

越三日傳令進宴宴具草畧

上視之笑曰慢我何

甚竟不怒及宴都御史王珣獻觴步緩

上目之神

周因休珣謂

上意不測明日復宴都御史龔弘趨

進自言姓名恐

上誤以爲珣也江彬從傍厲聲叱

之翼并罪兩人

上不爲動時太監黎鑑家人有以

科斂得罪者鑑書出所有以獻復取償于有司珣不

可鑑以頭觸之遂相忿爭鑑泣訴于

上上曰此必

汝有求不遂耳巡撫何敢辱汝也鑑語塞而退癸丑

上自臨清北還初

上之南征也與劉氏有約劉贈

以一簪且以爲信過盧溝馳馬失之大索數日不得

至臨清使使召劉劉以無信辭

上乃乘單舸晨夜

疾歸至張家灣與劉俱載而南道遇湖廣叅議林文

績入其舟奪其妾乃行乙卯過州十月壬午發臨清

十一月辛卯發濟寧丙申至徐州辛丑御龍舟乙巳

至淮安清江浦幸太監張陽第集漁人捕魚爲樂時

提督叅畫平虜伯朱彬尤橫縱旗牌官考縛郡縣長

吏通判胡琮懼而自縊南京守備成國公朱輔見即
長跪總兵鎮遠侯顧仕隆稍不為屈即窘辱之又遣
官校四出矯 上旨索民家鷹犬珍寶古器無得免
者壬子 上在清江浦群臣于張陽第稱賀甲寅
上至淮安却侍衛步入城幸總兵顧仕隆第丁巳羈
管掌錦衣衛左都督朱寧于臨清己未至寶應縣漁
范光湖十二月辛酉朔至揚州府太監吳經前選民
居壯麗者為總督府矯 上旨刷處女寡婦因取其
金無金者悉送入府壬戌 上以數騎獵城西遂幸
上方寺命總兵神周搜括泰州鷹犬辛未傳 旨正

月於南京郊祀天地大學士梁儲蔣冕力諫而止戊
寅大閱諸妓女於揚州撫按官具宴却之命折價以
進癸未漁於儀真之新聞因視大江命江彬攝祭明
日幸民黃昌家閱太監張雄守備馬昊所選妓以其
半送舟中乙酉渡江丙戌至南京丁亥祭南京太廟
十五年春正月庚寅朔謁 孝陵丁酉 上迎春于
南京備諸劇戲如宣府戊午傳 旨執太監畢真劉
瑯劉璟都指揮廖鵬齊佐王準都督同知王獻等下
錦衣獄坐通謀宸濠及朱寧黨也六月丁巳朔後數
日幸牛首山宿馬諸軍夜驚左右皆不知 上所在

大擾久之乃定閏八月壬辰 上詣 孝陵辭癸巳
受江西俘丁酉旋蹕發龍江辛丑至儀真壬寅漁于
江口次日如瓜州避雨民家夕宿望江樓癸卯自瓜
州濟江登金山遂如鎮江幸致仕大學士楊一清第
明日復幸馬入書室取冊府元龜文献通考以進又
明日飲于其第樂作分題製詩十章賜一清命和進
爲易數字一清厚有所獻 上大悅及駕還凡五幸
焉又幸故大學士靳貴第時樞在堂 上臨撫嗟悼
之命所從番僧爲誦經荐福庚戌發鎮江壬子復宿
望江樓癸丑 上至揚州仍寓總督府丁巳撫按等

官設宴慶功用金銀牌各二軸一旄帳綵帛若干疋
其餘折價以進戊午發揚州庚申 上至寶應復漁
于范光湖鎮守太監丘得索貢物不得以鉄索繫知
府蔣瑤辛卯駐蹕淮安都御史叢蘭總兵官顧仕隆
等進賀功金牌花紅綵帳 上戎服簪花鼓吹入城
過山陽縣學入取學官通鑑諸書以出遂宿故尚書
金濂第丙寅至清江浦復幸太監張陽第踰三日
自上汎小舟漁于積水池舟覆溺焉左右掖之而出
自是遂不豫十日庚寅至天津庚戌至通州十一月
庚申執吏部尚書陸完至行在是日復執太監商忠

杜裕少監盧明秦用趙秀錦衣衛都指揮薛重陳嘉
御史張鰲山布政使林正茂等下錦衣獄令司禮太
監蕭敬李英間住皆以與宸濠交通也丁丑傳旨
擇日詔告仍命六部都察院通政司大理寺鴻臚寺
錦衣衛六科十三道每衙門止留佐貳官一員在其
餘并內閣皇親公侯駙馬伯俱赴行在十二月己丑
提督贊畫機密軍務兼提督官校辦事後軍都督府
平虜伯朱彬奏奉總督軍務威武大將軍總兵官掌
後軍都督府太師鎮國公朱壽指示方略擒獲宸濠
逆黨乞明正其罪奉 旨褒諭賞賚是日賜宸濠死

甲午 上還京文武百官迎于正陽橋南是日大耀
軍容俘諸從逆者及家屬數千人陳輦道東西 上
戎服乘馬立正陽門外閱視良久乃入以親征凱旋
遣官祭告天地宗廟社稷

嘉靖十八年二月丙申勅諭禮部 皇考顯陵昔者
建造狹隘雖嘗增脩猶多未稱茲朕躬詣陵下與左
右大臣周閱山川更卜吉兆重建玄宮以安 皇考
皇妣神靈于無窮朕親擇于二月十五日于丑時發
京前期五日朕親奏告 皇天於玄極寶殿及 太
祖睿宗廟分遣大臣祭告北郊成祖 六宗 太社

稷帝社稷朝夕等四壇所有合行事宜爾部臣會同
在廷群臣詳議即便開具奏聞處分已亥兵部回書
張瓚等條上扈從事宜

一選錦衣衛官一百二十員旗校八千人沿途應用
外仍給旗校馬三千疋官軍自行糧外先加賞賚有
差

一駕所駐驛之地分巡兵備等官親督官軍朝夕巡
視

一輿駕經行之處無論大小牌坊悉行拆撤

一沿途行宮之側蓋殿舍十餘間安設輿輦駕儀儀

及官校直宿

一扈從人負所用馬匹先令太僕寺少卿三員分程
催調每處調六千餘匹委二司官領

一每府州縣借支官銀募夫一萬餘名以應扈從官
負之用

一每處用車四百餘輛俱以官銀顧募

一自京師至涿州人夫車輛取兵部協濟銀顧募馬
匹暫借團營騎操馬四千五百匹應用

一各省預安二司三員一理人夫一理軍馬一理廩
給怠緩悞事者聽科道叅劾報可

禮部上南狩注前期五日 上親奏告 皇天於

玄極寶殿畢同日告聞 皇祖太廟 皇考睿宗廟

欽命大臣一十八員分告北郊 德祖 懿祖

熙祖 仁祖 成祖 列聖群廟 太社稷帝社稷

朝日夕月天地神祇行事俱用祭服太常寺備辯合

用脯膾酒果制帛翰林院撰各項告祭文駮祭于承

天門遣官祭旗纛之神俱用牲醴制帛三獻如常儀

至期 駕發由正陽中門出后妃輦轎後隨出宣武

門錦衣衛恭設欽製武陳駕備輦輿儀仗等項扈行

仍選用官員將軍校尉力士人役數目該衛奏請定

奪簡命武職重臣二員由守京師兵部尚書一員參

贊機務簡命文職大臣二員一總督整飭宣大等處

軍務一提督薊州山海關等處地方邊備各請勅行

兵部奏請皇城四門京城九門大明門外合用守門

文武大臣各一員坐營官侯伯二員守門官軍用科

道點閘扈 駕官軍兵部於團營揀選六千餘名給

兌馬匹令聽征總兵參將各二員統領扈從仍聽左

右副將軍節制兵部移文沿途撫按等官聽撥屯駐

及扈 駕車馬戶部定擬扈從官軍各項人役行糧

奏請關給仍請勅命戶部侍郎一員率屬官六員帶

領太倉銀三十萬兩先期前去沿途整理糧料 聖
駕所經由處凡橋梁道路行宮薦殿工部行文原奉
勅即中同內官監欽遵督理禮部行南北直隸浙江
等十三布政司有緊重要事俱達行在所奏聞其餘
事務俱達在京通政司每月差人赴行在類奏其各
該衙門事有疑碍者各差人赴行在具奏取 旨施
行各處拜進表笏文除歲例等項赴在京禮部昭常
數收差人赴行在具奏其特賀太禮不係常典者原
差人恭詣行在投進光祿寺隨路備御膳酒飯供具
扈從官勳臣一員駙馬都尉一員輔臣一員五府堂

官各一員吏部刑部各堂官一員戶部禮部工部堂
官二員吏部戶部刑部每司各官一員禮部兵部每
四司官十員都察院堂官二員大理寺官五員首領
官二員屬官十員光祿寺堂官二員署官四員太僕
寺堂官一員首領官一員鴻臚寺堂官俱從司賓司
儀各一員鳴贊四員序班十六員通事四員翰林院
講讀脩撰等官三員內閣制勅二房官共二十員譯
字官生四人尚寶司官四員六科給事中十二員中
書舍人一員行人司行人五員太醫院堂官五員御
醫吏目八員聖濟殿醫士選帶三人之一吏二人欽

天監堂官一員博士等官八員天文生陰陽生共十
人吏一人教坊司奉鑾韶舞司樂八員俳色長樂工
二百人扈從文武內外官及各項役合用夫馬車輛
廩給口糧各項應付事宜兵部定擬奏請轉行在外
有司一體應付其扈從官員於尚寶司給領文武字
面牙牌內府印綬監給領關防印信在途供事以便
衣朝朝參用吉服經過處所真定望祭北岳恒山熒
澤祭河神南陽遣官祭武當山之神沿途古帝王聖
賢忠臣烈士祠墓禮部查訪預期奏聞遣官致祭岳
瀆大牢次用少牢又次脯醢酒果各處撫按并三司

官俱于所屬境上候 駕先赴鴻臚寺報名 駕至
行殿各具吉服朝見府衛州縣官吏生員耆老人等
俱于三十里外候迎道傍跪叩頭 駕過退 駕至
行殿鴻臚寺引見行五拜三叩頭禮每日早晚從官
朝奏事如常儀鴻臚寺引地方及公差有事官員師
生耆老人等朝見者如前儀路近王府封疆者則王
具朝服率宗室預出城候 駕過跪迎道傍叩頭
駕過與駕至行殿王朝見行五拜三叩頭禮禮畢
上賜宴勞光祿寺給之 駕至豐驛太常寺奏致齋
三日欽定三月初七日 駕入承天府於舊邸承運

殿陞上行拜 天禮前期該寺陳設脯醢酒果香帛
駕至內贊奏就位如告祭儀禮畢 上御殿從
駕百官偕地方鎮巡司府州衛大小官員吉服先
行四拜禮鴻臚寺官員班首官名致詞畢復行四拜
禮合境耆老生員人等隨班行禮畢 駕還宮十九
日參謁 顯陵太常寺陳設牲犢制帛質明 上具
祭服太常寺官導引由 陵左門入殿左門內贊奏
就位奏上香奏四拜行初獻禮請祝行亞獻禮奏四
拜焚祝帛禮畢從 駕百官及撫按司府等官俱祭
服陪拜是日祭純德山之神太常寺各牲犢制帛如

告儀百官俱陪拜疏上詔俱如擬尋復面諭尚書嵩
發京更二月十六日寅時前所上諸儀有當增定更
正者嵩退乃疏言駕至承天一應禮儀俟至彼另具
謹先遵諭發京沿途諸儀增正具聞十一日辰時
上親奏告 皇天於 玄極寶殿畢同日告聞 皇
祖太廟 皇考睿宗廟遣大臣十八員分告北郊
德祖懿祖 熙祖 仁祖 成祖 列聖郡廟 大
社稷 帝社稷朝日夕月天地神祇行事俱用祭服
太常寺備辦合用脯醢酒果制帛翰林院撰各項祭
文輒祭于承天門遣官祭旗纛之神俱用牲醴制帛

三獻如常儀 駕發由正陽中門出后妃輦轎後隨
錦衣衛恭設欽製武陳 駕備輦輿儀仗等項扈行
本衛揀選精壯旗校八千人內以六千人專管擡捧
上坐輿輦以二千人專管擺執 駕儀及一應工
直巡綽傳宣等用選委千百戶一百二十員分投管
理各分撥班次更番接替仍行太僕寺調取寄養馬
三千匹兌給各旗校令其更迭騎坐以紓困乏錦衣
衛前驅使率領本衛千百戶等官先期前去肅清道
路簡命武職重臣二員由守北京兵部尚書一員參
贊機務各請勅行事簡命文職大臣一員總理整飭

宣大等處軍務提督薊州山海關等處地方邊備各
請勅行事欽命文職重臣一員往遼東薊州宣大鴈
門固原等九邊閱視邊備戶部齎銀若干隨帶前去
勞賞官軍請勅行事兵部奏請皇城四門京城九門
大明門外兩邊各用守門文武大臣各一員坐營官
侯伯二員增設守門官軍用科道官點閱京城內外
巡捕官軍除舊有外合行團營再選有馬官軍三千
員名分爲兩班酌派五城地方與同舊有官軍巡邏
仿選委坐營官及各提督把總等官晝夜巡捕安定
門各土城外及鄭村壩大黃莊居庸關白羊口六處

地方該營練選有馬官軍每處一千員名分爲兩班
輪流下營防守安定德勝門土城外各用東西官廳
聽征總兵官一員具餘各用叅將一員統領下營紫
荆倒馬二關保定撫鎮官練選精銳有馬官軍每關
一千員名分爲兩班每月一換輪流下營守把各委
坐營官一員統領一員扈 駕官軍兵部于團營東
西官廳御馬監勇士內練六千員名給兌馬匹執武
陳 駕儀一千人總兵官一員領之 駕前後各二
千人叅將二員領之 駕左右各五百人翼 駕行
左右副將軍領之兵部行文沿途撫按官調撥屯駐

及扈 駕軍馬戶部定擬扈從官軍各項人役行糧
奏請閔給請勅命戶部侍郎一員率屬官六員帶領
太倉銀三十萬餘兩先期前去沿途整理糧草料沿
途脩理橋道 搭蓋行宮薦殿工部行文原奉 勅
即中同內官監欽遵督禮部行南北直隸浙江等十
三布政司凡有緊要重事俱達行在所奏聞其餘事
務俱達在京通政司照常封進各該衙門啟請 皇
太子令旨行其事有疑礙者各差人赴行在具奏取
旨各處拜進表箋文除歲例等項赴在京禮部照
常類收啟請司禮監官捧進其特賀大禮不係常典

者原差人恭詣行在投進光祿寺隨路預備御膳酒
飯供具扈從官五府堂上官各一員首領官五員吏
五人吏部堂上官一員文選等四司官四員辦事官
六員吏六人戶部堂上官二人浙江等十三司官十
三員辦事官二員吏十三人禮部堂上官二員儀制
等四司官六員鑄印局官一員辦事官六員儒士三
人吏十二人鑄印局匠四人兵部堂上官一員武選
等四司官六員辦事官一員吏六人刑部堂上官一
員浙江等十三司官十三員辦事官一員吏十三人
工部堂上官二員營繕等四司官十員辦事官二員

吏十人都察院堂上官三員浙江等十三道監察御
史二十六員辦事官四員吏十三人通政司堂上官
二員首領官一員辦事官二員吏二人大理寺堂上
官一員左右寺官二員辦事官二員吏二人太常寺
堂上官六員首領官二員屬官十員吏二人執事八
役四十名厨役三十人光祿寺堂上官一員四署官
四員吏四人厨役二百人太僕寺堂上官一員首領
官一員吏一人鴻臚寺堂上官俱從司賓司儀各一
員鳴贊四員序班十六員通事四員翰林院講讀脩
撰等官三員內閣制勅誥勅二房官共二十員譯字

官生四人吏十人尚寶司官四員吏一人六科給事中十二員吏六人中書舍人一員吏一人行人司行人十員吏三人太醫院堂上官五員御醫吏目八員聖濟殿醫士選帶三分之一吏二人欽天監堂上官一員博士等官八員天文陰陽人共十人吏一人教坊司奉鑾韶舞司樂八員俳色長樂工二百人扈從文武內外官各項人役合用夫馬驢騾車輛廩給糧各項應付事宜兵部定擬奏請轉行在外有司一體應付扈從文武衙門官員先年內府印綬監收貯行在衙門印信關防本部領出給付各官使用扈從官

員於尚寶司給領文武字面牙牌 駕發由守大臣率在京文武衙門官員各具吉服先 恭赴宣武門外彰義闕候送 駕駕過退各衙門扈從官員分程先行在途俱免朝恭候 駕禮兵二部鴻臚寺太常寺光祿寺官科道糾儀官俱從行凡遇行宮進宮進膳處所各該撫按守巡兵備等官選委精壯官軍披帶盔甲器械供衛 乘輿不許喧譁錯亂違者聽錦衣衛官即時具奏拏問扈從官軍戶部給散行糧工部辦鍋灶不許分外索害有司及入民舍混擾違者許被害之人赴撫按衙門告治仍行隨 駕緝事官

校訪拿重治諸凡供應俱有奏請定議各該軍衛有
司不許分外科取歛民違者聽撫按官體訪指實叅
究重治各衙門跟隨吏書各照兵部原行關文於軍
衛有司驛遞衙門應付不許分外多索其應付衙門
亦要即時應付毋得遲誤違者俱聽所在官司告治
經過駐劄地方原有商賈店舖開賣即飲食等物照
常市貿不許躲避亦不許從 駕人負用強輕價勒
買違者許被害之人即時告治兵部咨行各該巡撫
官預先出給榜文曉諭經過處所直定望祭北岳恒
山之神衛輝遣官祭濟瀆之神鈞州望祭中岳嵩山

之神滎澤祭河神南陽遣官祭武當山之神沿途古
帝王聖賢忠臣烈士祠墓禮部查訪預期奏聞遣官
致祭岳瀆用太牢次用少牢又次脯醢酒果各處撫
按并三司官俱于所屬境上候 駕先赴鴻臚寺報
名 駕至行殿各具吉服見所過府衛州縣官吏生
員耆老人等俱于三十里外候迎道傍跪叩頭 駕
過退 駕至行殿鴻臚寺引見俱五拜三叩頭禮各
處近路王府許親王具常服預先出城候 駕至跪
迎道傍叩頭 駕過與 駕至行殿王具朝服見行
五拜三叩頭禮畢 上賜宴勞光祿寺備宴席給領

其餘宗室俱免出迎不許擅離府第得旨 祧廟不
告百官迎送但立而已親王尤不可伏謁道左從官
不得需索有司不得媚奉違者嚴衛科道察舉以聞
二月庚子朔冊立 皇太子封裕王景王丁未命咸
寧侯仇鸞掛左副將軍印東寧伯焦棟掛右副將軍
印扈 駕尋詔左右將軍翼行叅將二人爲前鋒後
衛以翊國公郭勛掌中軍成國公朱希忠副之仍給
勛希忠旗牌各六面尋以內府所貯行在印信關防
給扈從官員無者鑄給選團營官軍六千人扈 駕
乙卯 駕發京丙辰以失候迎命錦衣衛捕治順天

府治中潘璐章 駕至真定望于北岳壬戌定諸王
朝見儀凡親王迎接去處公郭勛朱希忠侯崔元輔
臣夏言禮卿嚴嵩夏卿王庭相左右從行并 上朝
見處殿門侍班諸王迎接已命文武大臣侍于途王
于道傍立文武大臣下馬侍 上左右禮部尚書跪
奏王某王其恭迎 聖駕見內侍官引王至駕前跪
行叩頭禮禮部尚書進立于 上前候 旨承旨訖
起立傳 旨侍王隨行至行宮 上入少憇王具冕
服欽定文武大臣於殿內左右侍從從官于丹墀東
西侍班候 上陞座鴻臚寺官引王于殿左門入至

拜位贊行五拜三叩頭禮畢內侍官引王于別次少
候從官叩頭如常儀鴻臚寺卿跪奏禮畢癸丑至趙
州執宮外稱寃者以錦衣衛官陳寅等不在切責之
乙丑趙州臨洛鎮二處行宮 駕發後火逮治所司
至磁州趙王厚煜道迎入朝行殿降 旨勞慰賜晏
遣公溶尚書嵩送還國賜書褒獎及金幣歲增祿三
百石丁卯至衛輝汝王祐棹郊迎入朝行殿賜宴餘
禮如趙王加歲祿五百石夜四更行宮火內侍有殞
者法物寶玉多燬戊辰至新鄭鄭王厚烷郊迎朝行
殿慰勞賜宴如儀歲加祿三百石勅錦衣衛將衛輝

知府王聘知縣侯郡等俱逮送都護軍門御押前導
示衆逮兵部侍郎張衍慶巡撫都御史易瓚巡按御
史馮震二司掌印守巡官下錦衣獄三月巳亥朔渡
黃河庚午至鄭州周世孫朝垌來迎朝行殿慰勞賜
宴加祿如儀以諸王所獻馬匹金幣頒賜扈從大臣
公勛等有差辛未至鈞州徽王厚熲迎宴勞獎賜加
祿如儀致仕大學士賈誅自臨潁來迎失朝奪少保
太子太保乙亥唐王宇溫迎慰勞賜宴加祿如儀丙
午以推用忤 旨罰吏部尚書許讚俸三月郎中半
年先是伊王訐亨失郊迎及朝見下禮部議 特旨

宥之戊寅至承天庚辰舍舊邸慶雲宮謁 皇考主
于隆慶殿謁一顯陵 駕至純德山及紅門降輦稽
首遂騎登陵山立表于 皇考陵寢之北命改營焉
製初謁純德山喜而自得之詩以誤送親王降尚書
李廷相侍郎張璧詹事陸深俸二級壬午定新一顯
陵玄宮之域賜扈從文武大臣金幣甲申享 上帝
于龍飛殿奉 皇考配祭告 皇考于顯陵由左門
入詣祫恩殿行三獻禮扈從及所在鎮巡官各吉服
陪拜 上悲思瞻敬再製獻陵之歌丙戌楚王顯榕
來朝宴勞加祿如儀戊子以太享禮成御龍飛殿受

群臣賀頌詔天下是日召承天父老子弟百餘入見
宜諭賜之酒食庚寅以迴鑾辭告獻皇帝后神位于
隆慶殿以扈從後期降翰林學士張治俸二級壬辰
發承天製思恩之賦超拜御史胡守中爲右僉都御
史丁酉崇王載境請朝于裕州 上以迴鑾日迫免
朝因賜書徧諭諸王四月戊戌朔至鄭州伊王訐諄
來朝宴勞如儀癸卯年上諭行在禮部純德山聖靈
安悅流慶子孫三處視地悉已之行宮道路止勿治
戊申以御史謝少南請入慶都堯母墓于祀典合
旨陞左春坊左司直兼翰林院檢討辛亥奪葉縣知

縣李浦賤爲民以置扈從官員公館令吏持牌道上
迎候故也壬子還京師由守大臣率文武百官俱吉
服奉迎關外不至者千一百四十二人奪儀有差

弇山堂別集卷六十六

弇山堂別集卷六十七

吳郡王世貞元美著

親王祿賜攷

會典載親王郡王王子王孫及公主郡主等每歲支
撥

親王唐制歲該穀四千八百石絹四千八百疋綿四
百五十斤宋制領節度使歲該穀二千四百石錢四
千八百貫絹二百疋綾一百疋羅十疋綿五百兩今
定米一萬石郡王唐制歲該米七百石田六十頃宋
制領觀察使歲該粟一千二百石錢二千四百貫絹

二十疋綿五十兩今定米二千石鎮國將軍唐制歲
該米六百石田五十頃宋制郡王子以下量材授官
照其官品高下給祿今定米一千石輔國將軍唐制
歲該米五百石田四十頃今定米八百石奉國將軍
唐制歲該米四百石田二十五頃今定米六百石鎮
國中尉唐制歲該米三百石田十四頃今定米四百
石輔國中尉唐制歲該米二百石田八頃今定米三
百石奉國中尉唐制歲該米一百石今定米二百石
公主及駙馬食祿米二千石郡主及儀賓食祿米八
百石縣主及儀賓食祿米六百石郡君及儀賓食祿
米四百石縣君及儀賓食祿米三百石鄉君及儀賓
食祿米二百石皇太子次嫡子并庶子既封郡王之
後必俟出閣每歲撥賜與親王子已封郡王者同女
侯及嫁每歲撥賜與親王女已嫁者同郡王嫡長子
襲封郡王者其歲賜比初封郡王減半支給

各府祿米

秦府秦王歲支祿米一萬石米鈔中半兼支郡王初
封歲支祿米二千石本色五百石折色一千五百石
襲封一千石米鈔中半兼支鎮國將軍歲支祿米一
千石輔國將軍歲支祿米八百石奉國將軍歲支祿

米六百石鎮國中尉歲支祿米四百石俱米鈔中半兼支

晉府晉王歲支祿米一萬石郡王初封歲支祿米二千石襲封一千石米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國中尉歲支祿米四百石俱米鈔中半兼支

周府周王歲支本色祿米二萬石襲封歲支本色祿米一萬二千石郡王初封歲支祿米二千石襲封一千石俱米鈔中半兼支鎮國將軍歲支祿米一千石

輔國將軍歲支祿米八百石奉國將軍歲支祿米六百石鎮國中尉歲支祿米四百石俱米鈔中半兼支

楚府楚王歲支本色祿米一萬石郡王初封歲支祿米二千石襲封一千石俱米鈔中半兼支鎮國將軍

歲支祿米一千石輔國將軍歲支祿米八百石奉國

將軍歲支祿米六百石鎮國中尉歲支祿米四百石

輔國中尉歲支祿米三百石俱米鈔中半兼支郡王

初封歲支祿米一萬石米鈔中半兼支郡王初封歲

支祿米二千石襲封一千石俱米鈔中半兼支鎮國

將軍歲支祿米一千石輔國將軍歲支祿米八百石

奉國將軍歲支祿米六百石俱米鈔中半兼支

蜀府蜀王歲支祿米一萬石郡王初封歲支祿米二

千石襲封一千石俱米鈔中半兼支鎮國將軍歲支

祿米八百石奉國將軍歲支祿米六百石俱米鈔中

半兼支

代府代王歲支祿米六千石米鈔俱中半兼支郡王

初封歲支祿米二千石襲封一千石俱米鈔中半兼

支鎮國將軍歲支祿米一千石輔國將軍歲支祿米

八百石奉國將軍歲支祿米六百石俱米鈔中半兼

支

肅府肅王歲支祿米一千石本色七百石折色三百

石郡王初封歲支祿米一千石米鈔中半兼支襲封

同遼府遼王歲支本色祿米二千石郡王初封歲支

祿米二千石襲封一千石俱米鈔中半兼支鎮國將

軍歲支祿米一千石輔國將軍歲支祿米八百石奉

國將軍歲支祿米六百石鎮國中尉歲支祿米四百

石輔國中尉歲支祿米三百石奉國中尉歲支祿米

二百石俱米鈔中半兼支

慶府慶王歲支祿米一萬石本色七千五百石折色

二千五百色

正德五年革

郡王初封歲支祿米一千

祿米三之一

石米鈔中半兼支襲封同鎮國將軍歲支祿米一千石輔國將軍歲支祿米六百石俱米鈔中半兼支

寧府寧王歲支祿米一萬石米鈔中半兼支郡王初封歲支祿米一千石米鈔中半兼支襲封同鎮國將軍歲支祿米一千石輔國將軍歲支祿米八百石奉國將軍歲支祿米六百石俱米鈔中半兼支

岷府岷王歲支本色祿米一千五百石郡王初封歲支祿米五百石米鈔中半兼支襲封同鎮國將軍歲支祿米一千石輔國將軍歲支祿米八百石俱米鈔中半兼支

韓府韓王歲支祿米三千石本色二千石折色一千石郡王初封歲支祿米一千石輔國將軍歲支祿米八百石奉國將軍歲支祿米六百石鎮國中尉歲支祿米四百石俱米鈔中半兼支

潘府潘王歲支祿米一萬石本色六千石折色四千石郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石俱米鈔中半兼支

唐府唐王歲支本色祿米五千石郡王初封歲支祿

米二千石襲封一千石俱米鈔中半兼支鎮國將軍
歲支祿米一千石輔國將軍歲支祿米八百石奉國
將軍歲支祿米六百石俱米鈔中半兼支

伊府伊王歲支本色祿米二千石郡王初封歲支祿
米二千石襲封一千石俱米鈔中半兼支鎮國將軍
歲支祿米一千石米鈔中半兼支

趙府趙王歲支祿米一萬石襲封一千石俱米鈔中
半兼支郡王初封歲支祿米二千石襲封一千石米
鈔中半兼支鎮國將軍歲支祿米一千石輔國將軍
歲支祿米八百石俱米鈔中半兼支

鄭府鄭王歲支本色祿米一萬石郡王初封歲支祿
米二千石襲封一千石俱米鈔中半兼支

襄府襄王歲支本色祿米一萬石郡王初封歲支祿
米二千石襲封一千石俱米鈔中半兼支

荆府荆王歲支本色祿米一萬石郡王初封歲支祿
米二千石襲封一千石俱米鈔中半兼支鎮國將軍
歲支祿米一千石米鈔中半兼支

淮府淮王歲支祿米一萬石米鈔中半兼支郡王初
封歲支祿米一千石米鈔中半兼支襲封同

德府德王歲支本色祿米一萬石郡王歲支祿米二

千石米鈔中半兼支

秀府秀王歲支祿米一萬石後國絕

崇府崇王歲支本色祿米一萬石郡王初封歲支祿

二千石米鈔中半兼支

吉府吉王歲支本色祿米一萬石

徽府徽王歲支本色祿米一萬石郡王初封歲支祿

米二千石襲封一千石俱米鈔中半兼支

興府興王歲支本色祿米一萬石

岐府岐王歲支本色祿米一萬石後國絕

益府益王歲支本色祿米萬石

衡府衡王歲支本色祿米一萬石

雍府雍王歲支本色祿米一萬石後國絕

壽府壽王歲支本色祿米一萬石

汝府汝王歲支本色祿米一萬石

涇府涇王歲支本色祿米一萬石

榮府榮王歲支本色祿米一萬石

靖江王府靖江王歲支本色祿米一千石輔國將軍

歲支祿米八百石奉國將軍歲支祿米六百石鎮國

中尉歲支祿米四百石輔國中尉歲支祿米三百石

奉國中尉歲支祿米二百石俱米鈔中半兼支

按會典所引親王萬石項下云唐制歲該四千八百石絹四千八百匹綿四百五十斤宋制領節度使歲該穀二千四百石錢四千八百貫絹二百匹綾一百疋羅十疋綿五百兩郡王二千石下云唐制歲該米七百石田六十頃宋制領觀察使歲該粟一千二百石錢二千四百貫絹二十疋綿五十兩於鎮國將軍一千石下云唐制歲該米六百石田五十頃宋制郡王子以下量材授官照其官品高下給祿其輔國將軍至奉國中尉俱引唐制為比不知當時修會典諸公何鹵莽不學至此唐親

王正一品嗣王郡王國公從一品郡公正二品蓋言其班位與幹力防閣之類視之耳非為祿也何以言之凡王公必有邑封當武德時公卿大夫皆以功起無不受封邑者以故不給祿秩至貞觀而始定京官正一品米七百石錢六千八百從一品米六百石正二品米五百石錢八千以至九品三十石外官降一等後又改公田十二頃至二頃其幹力及防閣庶僕別給今所謂親王穀絹錢數何據也郡王視從一品止應六百石不當言米七百石田六十頃也攷之太宗為秦王功大至三萬戶

齊王元吉亦二萬而諸王少者千戶至中宗時相
王太平安樂公主各實封滿萬戶太府鄉常嗣立
奏食祿之家用六十萬丁一丁絹兩匹過於國家
本數又御史宋務光言太平安樂多割貲高丁多
者為民累至開元初始定戶不過三丁親王封止
千戶然則食千戶者大約可得絹六千匹或為職
官始有兼祿而幹力防閣視品秩為定耳然食貨
志又有親王公田百頃郡王公田五十頃地當是
食祿而戶則調絹其郡王及郡王次子以下却無
封爵或有 恩澤特封或量材擢用今擬引至中

尉何所據也宋制皇子節度領侍中皇族節度平
章事及節度錢穀絹綾羅數雖同而無穀石且親
王初出閣止領觀察而郡王資久有轉至使相者
殊不以親郡王為等也其下明載領節度留後者
歲錢千六百貫加絹五十疋綾十疋春羅一匹冬
綿百兩領觀察者錢千貫絹三十疋綾羅同綿五
十兩以下又有領防禦團練六軍統軍諸衛上將
軍名項而其封亦有國公郡侯郡伯之名今謂郡
王之子即量材授官抑何舛也蓋唐制王公以食
邑為準而有官則有祿宋制食邑真食皆為虛而

以兼官制祿與本朝之制異不可強而引也

洪武九年定諸王公主歲供之數

親王歲支米五萬石鈔二萬五千貫錦四十疋紵絲三百匹紗羅各一百疋絹五百疋冬夏布各一千疋綿二千兩鹽二千引茶一千斤馬匹草料月支五十匹其段匹歲給匹料付王府自造

靖江王歲支米二萬石鈔一萬貫餘物比親王減半馬匹草料月支二十四匹

公主未受封每歲支紵絲紗羅各一十疋絹冬夏布各三十疋綿二百兩已封賜莊田一所計歲收米一

千五百石鈔二千貫

親王子男未受封歲支紵絲紗羅絹冬夏布綿同公王未封例女未封者減半

男已封郡王者歲支米六千石鈔二千八百貫錦一十疋紵絲五十疋羅二十五疋絹及冬夏布各一百匹綿五百兩鹽五十引茶三百斤馬匹草料每月支十匹女已受封及已嫁者歲支米一千石鈔一千四百貫段絹於所在親王國帶造

皇太子次子既封郡王後候出閣歲支與郡王同女及嫁者與郡王已封女同

按是時親藩既少而物力方茂故所定如此及查會典所載周王二萬石襲封萬二千石秦晉楚蜀慶魯寧潘趙鄭襄荆淮德秀崇吉徽興岐益衡雍壽汝涇榮王各一萬石代王六千石唐王五千石遼韓伊王二千石岷王千五百石肅王一千石與前迥異豈非慮宗支蕃衍為式貢之地耶然中間差等不一如岷王之千五百石肅王之一千石反不如他府之初封郡王尚有二千石而岷府之郡王五百石更不若本府之鎮國尚有一千其他如代府之六千唐府之六千韓府之三千遼府之二

千或係轉餉之難或係暫作行糧俱不可曉也又惟周王本色二萬石或係太宗母弟之故至其子孫尚存萬二千則秦晉二王獨非太宗之母兄乎永樂二十二年 仁宗謂戶部尚書夏原吉曰朕諸叔在者無幾諸兄弟惟趙王居京師餘皆守藩于外朕旦夕在念蓋帝王之治莫先親匕况朕親嗣大位於此尤當加意其增諸王歲祿于是 周府加米五千石通前二萬石悉支本色 慶府原祿一萬石悉支本色 寧府加米九千石通前一萬石悉支本色 代府加米千五百石通前二千石悉支本色 潘

府加米七千石通前萬石內本色米六千石餘折鈔
唐府加米千七百石通前二千石悉支本色 魯
府加米二千石通前五千石悉支本色 遼府加米
千石通前二千石悉支本色 肅府加米五百石通
前一千石悉支本色 秦府原祿一萬石內加米四
千五百石通前五千石支本色餘五千石折鈔 伊
府加米千七百石通前二千石悉支本色 靖江王
加米七百石通前一千石悉支本色 漢趙二府各
加米二萬石通前三萬石仍歲加鈔十萬貫晉濟嘉
給米三千石明年又命戶部給韓王冲歲祿米三

千石內一千五百石支本色餘折鈔襄陵王樂平王
各歲祿一千石內五百石支本色餘折鈔攷漢庶人
以宣德元年反削國而趙王亦辭所加之祿矣

嘉靖九年禮部覆豐林王疏議處宗室事 上自為
書賜諸王欲將朝廷皇子皆封郡王親王次子皆封
鎮國將軍書成未發以示少傅張璁七言諸王封爵
原有定制恐一旦減降有失親睦之道以臣愚計莫
若量減祿而不降封郡王以下凡全支俸米者照依
京官事例米鈔或四六或中半折支其有米鈔兼支
者亦量為遞減以示樽節 上遂不果行至嘉靖末

禮部議上宗藩條例於是秦晉周楚蜀趙慶襄淮德
崇歲祿萬石辭一千石魯益衡歲祿萬石辭二千石
榮王萬三百石與唐王六千五百石俱辭五百石而
郡王以下至中尉皆有所減削矣

元之諸王歲祿尤與歷代異蓋皆領部曲逐水草於
西北邊而國家以金帛絲楮之類供之其厚薄有絕
不可曉者太祖叔答里真官人位歲銀三十錠錠五
十兩
段一百疋五戶絲一千八百一十二斤江南戶鈔四
百四十錠第捌只哈撒兒大王子淄川王位歲銀一
百錠段三百疋五戶絲三千六百五十六斤江南戶

鈔一千二百錠哈赤溫大王子濟南王位歲銀一百
錠綿六百二十五斤小銀色絲五千斤段三百疋羊
皮一千張絲九千六百四十八斤鈔二千六百錠幹
真那顏位歲銀一百錠絹五千九十八百綿五千九
十八斤段三百匹羊皮五百張金十六錠四十五兩
絲一萬一千四百二十五斤鈔二千八百五十五錠
孛羅古斛大王子廣寧王位歲銀一百錠段三百匹
絲一千三百五十九斤鈔七百二十錠太祖長子木
赤大王位歲段三百匹常課段千匹絲一萬斤戶鈔
二千四百錠次子茶哈碍大王歲銀一百錠段三百

匹綿六百二十五斤常課金六錠六兩絲六千八百
三十八斤鈔二千六百九十三錠第三子太宗子定
宗位歲銀一十六錠三十三兩段五十疋絲五千一
百九十三斤第四子睿宗子阿里不哥大王位歲銀
一百錠段三百匹絲一千五十三斤鈔四千一百六
十錠第六子濶列堅太子河間王位歲銀一百錠段
三百匹絲四千四百七十九斤鈔一千一百五十七
錠太宗子合丹大王位歲銀十六錠三十三兩段五
十匹絲九百三十六斤鈔一百錠城里大王銀段同
絲九百九十七斤合失大王銀段同絲一百五十四

斤濶出太子銀六十六錠三十三兩段一百五十疋
絲七百六十四斤鈔一千一百九錠睿宗長憲宗子
阿遘台大王歲銀八十二錠段三百疋絲九百十六
斤次子世祖子裕宗位歲銀五十錠鈔一千一百九
十錠后位段一千匹絹一千匹鈔四千五百三十錠
睿宗子旭烈大王歲銀一百錠段三百匹絲二千二
百一斤末哥大王歲銀五十錠段三百匹絲三百三
十三斤鈔三百二十四錠撥綽大王歲銀段同絲六
百十斤鈔二百十三錠歲哥都大王絲二十斤世祖
子安西王忙哥刺歲段一千疋絹一千疋鈔二千六

百錠北平王那木罕同平遠王濶七出歲折段匹物料鈔一千六百五十六錠折銀鈔一千錠戶鈔五百四十四錠西平王奧魯赤愛牙赤大王鎮南王脫歡雲南王忽哥赤忽都帖木兒太子歲折段匹物料銀鈔戶鈔俱同裕宗長子晉王甘麻刺歲段一千匹絹一千匹中統鈔一千錠戶鈔二千六百錠順宗子阿朮哥魏王文武宗子明宗歲鈔各二千六百錠此外有合丹大王絲七十七斤霍里極大王絲三十七斤阿魯渾察大王僅二斤而已

宗室公主即位之賞

成祖初周楚齊代等國并靖江王各黃金百兩曰金
耐綵幣四十匹錦十匹紗羅各二十疋鈔五千錠
仁宗初漢王高煦趙王高燾各黃金五百兩白金五千兩錦百匹紵絲二百匹羅二百匹紗二百匹胡椒蘇木各五千斤鈔萬錠良馬百匹以同母弟故也周王橚黃金百兩白金千兩紵絲四十表裏錦十匹紗羅各二十疋鈔萬錠慶王楠寧王權代王桂潘王模無黃金其白金鈔錠錦帛等物同周王唐王瓊王燧魯王肇輝晉王濟黃蜀世孫友南平陽王美各白金五百兩鈔六千錠紵絲二十表裏錦六匹羅十匹紗

十匹晉庶人濟喜翼善冠二金相玳瑁帶龍文紵絲
紗羅衣材九龍白金三百兩鈔六千錠紵絲羅各二
十表裏錦九匹紗二十四匹胡椒蘇木各三千斤廐馬
二十四匹寧國長公主白金五百兩鈔五千錠紵絲二
十表裏錦六匹羅紗各十匹汝寧懷慶南康永嘉含
山汝陽寶慶七長公主各白金三百兩鈔六千錠紵
絲二十表裏

宣宗初賜周寧慶代潘五王各白金五百兩紵絲二
十表裏錦五匹紗羅各二十四匹兜羅錦五匹西洋布
十疋鈔三萬貫漢趙二王加黃金百兩餘同其晉楚

其晉楚遼肅魯韓唐伊蜀秦十王各白金三百兩紵
絲十表裏錦三疋紗羅各十疋兜羅錦三疋西洋布
五疋鈔二萬貫寧國大名南康永嘉含山汝陽寶慶
七大長公主及永平安寧咸寧三公主各白金二百
兩鈔萬貫餘同十王

英宗初賜慶代寧岷四王各白金五百兩紵絲羅各
二十表裏紗二十疋錦五疋鈔三萬貫周楚魯遼韓
五王各白金三百兩紵絲羅各十五表裏紗十五疋
錦三匹鈔二萬貫肅唐伊潘襄荆淮梁趙秦及平陽
保寧二王各白金三百兩紵絲羅各十表裏紗十四

錦三匹鈔二萬貫靖江王白金二百兩紵絲羅各十
表裏紗十疋錦三匹鈔萬貫汝陽含山永嘉南康四
大長公主咸寧長公主安成公主各鈔二萬貫餘同
靖江王

景帝初賜魯叔祖岷王白金三百兩紵絲羅十表裏
紗十疋錦五疋鈔萬貫諸王各白金二百兩餘同公
主以下賞有差

憲宗初賜魯王遼王慶王肅王唐王鄭王襄王寧王
周王瀋王伊王岷世子各白金三百兩紵絲羅各十
五表裏紗十五疋錦三疋鈔二萬貫淮王晉王秦王

韓王代蜀二世子各白金二百兩紵絲羅十表裏紗
十疋錦三疋鈔二萬貫趙悼王荆靖王長子靖江王
各白金二百兩紵絲羅十表裏紗十匹錦三匹鈔一
萬貫

孝廟初賜寧王唐王瀋王慶王周王襄王鄭王岷王
肅王遼王蜀王楚王晉王淮王代王伊王魯王各白
金三百兩紵絲羅十五表裏紗十五疋錦三疋鈔二
萬貫德王崇王吉王徽王荆王趙王韓王鎮安王各
白金三百兩紵絲羅十表裏紗十疋錦三疋鈔二萬
貫靖江白金二百兩紵絲羅十表裏紗十疋錦三疋

鈔一萬貫 武廟初賜親王白金文綺各有差 武廟以後史畧其數不可攷大抵 宣德初賞已薄於仁廟自是而後差次減削益懸絕矣攷之漢史惟呂太后崩遺詔賜諸王各千金其後人主加元服賜諸王黃金皆百斤而即位之賜不可攷也惟元自成宗即位大會諸王北世祖應賜黃金五十兩者增至二百五十兩銀五十兩者增至三百五十兩鈔幣各有差武宗即位賜如之仁宗即位普賜諸王金凡三萬九千六百五十兩銀一百八十四萬九千五十兩鈔二十二萬三千二百七十九錠幣帛四十七萬二千

四十八匹英宗即位普賜諸王金五千兩銀七十八萬兩鈔幣五萬七千三百六十四匹木棉九萬二千六百七十四斤衣八百九十五襲泰定帝即位普賜后妃諸王金三萬五千餘兩銀二百六十五萬兩錢鈔幣帛稱是其視我朝不啻數十倍矣

之國之賞

之國之賞可攷者洪武十年楚王楨之國武昌賜黃金千六百兩白金二萬兩鈔二萬錠永樂元年汝南王有勳之國雲南鈔二萬錠海肥十萬索綿布五百匹寧王權之國南昌鈔萬錠又賜萬錠周王橚之

國大梁鈔萬錠又以朝辭賜鈔二萬錠紵絲三百匹
 紗羅各百匹絹千匹兜羅錦五十二條火者二十八
 人馬百匹谷王穗之國長沙賜馬二十四匹金鞍二
 副銀五百兩鈔三萬六千錠錦十匹紵紅綾羅各六
 十疋絹百九十四匹羊二十腔酒二百餅衣紗羅絹布
 各五十四匹鈔萬錠

洪熙元年趙王高遂火之國彰德賜黃金一百兩白金
 五百兩綵幣九十表裏鈔二萬錠馬十四匹金鞍二副

來朝之賞

來朝之賞可攷者洪武二十五年郎文廟初賜楚

王貞鈔二萬五千錠綵幣二十表裏代王桂鈔七千

錠晉王濟喜五千錠元年賜來興王尚烈鈔千八百

錠平陽王濟黃八千錠周世子有敦鈔二千錠二年

賜周王肅鈔萬錠又追賜羊百牽酒千瓶及外國貢

物九年賜谷王穗白金千兩鈔三萬錠紵絲百匹袞

龍袍服三襲絹五百匹白兜羅綿十條西洋布三十

匹檀香三百斤降真香五百斤胡椒蘇木各千斤馬

十匹羊百羴酒五百餅椰子三百枚火者百人十四

年賜周王肅鈔二萬錠紵絲五百匹紗羅各百匹絹

千匹兜羅錦五十二條火者二十八人馬百匹楚王

貞馬百匹鞍轡一副鈔三萬錠紵絲三百匹紗羅各
百匹絹千匹胡椒千斤椰子千箇紅白兜羅錦五十
二條及紅撒哈刺獅子尾等物蜀王椿銀三千兩鈔
六萬錠米萬石各色紵絲五百匹紗羅各二百五十
匹絹千匹兜羅錦六十條蘇木五千斤胡椒三千斤
馬一百五匹鞍一副火者百人肅王瑛紵絲五十匹
紗羅各三十疋絹三百匹洪熙元年賜漢王子瞻坦
臨淄王瞻或昌樂王瞻埤淄川王瞻畢賜瞻坦織金
紵絲羅紗衣各三襲文幣二十表裏黃金百兩白金
五百兩馬十匹瞻或等織金紵絲羅紗衣各二襲文

幣十六表裏黃金八十兩白金四百兩馬八匹靖江
王府輔國將軍贊仇贊偕各鈔二十萬貫蓋是時鈔
已賤故也高成之世諸王來朝歲無虛月不聞以煩
費疑禍為嫌自

仁廟辭周王以下入臨而 宣廟後遂絕矣惟天順
中哀邸兩朝天順中

太皇太后疾亟召諸王甫 命下而駕崩竟罷之

特賜可攷者永樂元年賜周王肅鈔八萬錠齊王棣

二萬錠四年後賜周王鈔六萬錠定王貞二萬錠蜀

王椿珍珠一百九十二兩白金一千五百兩鈔二萬

錠谷王惠紗羅絹布各五十疋慶王^赫各三十匹鈔
 各二萬錠慶成王濟^玄織金袞龍紵絲袍服十八表
 裏各色紵絲一百表裏撒哈刺二匹兜羅錦被十金
 相柳盞一鈔五萬錠洪熙元年賜寧王^權黃金百兩
 白金三百兩錦十匹綵段二十表裏紗羅各十四周
 王^肅白金綵幣同鈔二萬貫晉王濟^熹白金百兩鈔
 十萬貫綵幣六十表裏火者六十什器香藥咸備
 特賜公主可考者賜寧國長公主洪武三十五年賀
 生辰禮物銀肆錠^{每錠}種彩段十表裏鈔四百錠羊
 二十控酒一百瓶果四盒

永樂二年賜特製鳳冠一頂

永樂八年賜花銀六百兩米五百石鈔六萬貫紵絲
 五十四匹暗花二十六匹大紅三匹福青五匹藍青二
 匹黑綠五匹深桃紅二匹素二十四匹大紅四匹深
 青四匹肉紅三匹翠藍四匹明綠五匹出爐銀紅四
 匹綵絹二百疋大紅二十五疋桃紅五十疋木紅五
 十疋藍二十五疋綠五十疋羊一百控酒五百瓶柴
 三萬斤炭一萬斤闍者拾名范春年二十歲阮道年
 二十歲武士年二十歲范極年十八歲阮擬年十七
 歲阮注年十六歲武合年十六歲阮倫年十六歲陳

旗年十五歲良舍年十二歲

永樂十三年賜鍍金銅佛像二尊文殊菩薩一尊四
臂觀音菩薩一尊鍍金銅鈴杵六副紅字輪六十個
大紅明花紵絲袋金纍漆紅刻菊花香盒一個金字
輪三個共一袋盛金匾索計一兩四錢金廂佛骨一
塊嵌用紅寶石六塊金匾索共計金二兩三錢金廂
紫檀木數珠一串計一百一十顆上帶金小杵一個
共計金一兩八錢臘羊二十隻臘猪十口計三筭蛤
蜊醬一百六十斤計四罈醃蠆九十斤計四罈醃魚
子八十斤計四罈水母線四十斤計二罈醃蠔肉三

十三斤計二罈醬蚬子六十個計二罈對蝦五百對
計一筭蝦米一百斤計一筭海魚一千斤計十二筭
松子三石計三櫃榛子三石計三櫃核桃二萬個計
二筭紅棗兒二石計二筭酥油一百斤計二桶泥螺
六十斤計二罈各色羅十表裏各色紗一十四匹各色
將樂布十匹高麗布五匹瑛絲布五匹鈔二萬貫米
三百石

永樂十三年賜鈔五萬貫兜羅綿十床海外番鹽三
塊計三十斤

永樂十四年賜銀二十錠每錠五十兩鈔五萬貫胡

椒一千斤羊一百羴米一千石柴五萬斤炭五千斤
永樂十五年賜鈔五萬貫絲段三十疋綵絹三十疋
黃鼠一千個酥油一百斤榛子十石紅棗五石栗子
十石核桃一萬個

永樂二十年賜大吉祥妙輪十一個紅漆一個黑漆
十個 永樂二十二年賜銀五百兩鈔三萬貫紵絲
二十表裏錦六匹羅十疋紗十疋

生日之賞可攷者永樂二年賜周王肅布五十四匹
絲將樂布各百匹日本扇二百握四年賜金袞龍紗
三匹織金鸞鳳鞠衣材二匹素暗花紗十三疋高麗

布二十疋模絲布十四匹又賜紵絲紗羅各二十匹綵
絹四十疋鈔萬錠馬十匹及羅帕金扇等物九年肅
王莫來朝是日適模主旦賜綵幣十表裏羊五十羴
酒百餅仍命光祿供饌

按古之恩賜可攷者漢昭帝初賜燕王旦廣陵王
胥錢一千萬廣陵王來朝賜錢二千萬黃金二百
斤劔二安車一乘馬二駟宣帝賜黃金前後五千
斤他噐物甚衆東平王蒼歸國明帝賜錢五千萬
布十萬匹七年特賜宮人奴婢五百人布二十五
萬疋及珍寶服御噐物十五年賜錢千五百萬布

四萬匹章帝建初元年以言事賜錢五百萬又賜大宛汗血馬一匹入朝賜裝錢千五百萬又賜貂裘及大官食物珍果臨訣賜乘輿服御珍寶輿馬錢布以億萬計薨賜賻錢一萬七布九萬匹阜陵王延徙都壽秦賜錢千萬布萬匹安車一乘清河王慶誅竇憲後賜奴婢三百人輿馬錢帛帷帳珍寶玩好充牣無筭宋初賜秦王延美銀萬兩德昭德芳各五千兩出秦王延美西京賜襲衣通犀帶錢千萬緡絹絲各萬匹銀萬兩甲第一區周王元儼疾賜銀五千兩皇子愷封魏王賜黃金三千兩

白金一萬兩金世宗賜壽王忽魯金一百五十兩金絲百端絹五百匹章宗立各賜金五百兩銀五千兩錢十萬金幣三百端絹二千匹元憲宗賜諸王撥銀一千錠鈔五十萬貫元世祖賜諸王穆哥銀二千百五兩諸王按只帶忽刺忽兒合丹忽刺出勝納合兒兀魯忽帶瓜都伯木兒阿只吉各五千兩文綺帛各三百匹塔察阿木魯鈔各五十九錠綿五千九十八斤絹五千九十八匹文綺三百匹海都銀八百三十三兩文綺五十疋北平王南木合馬萬三千匹羊五萬又馬三萬羊十萬諸王阿

只吉米五千石馬六百羊萬口諸王王都銀千兩
 火尔赤五百兩各珠一索錦衣一襲諸王木伯銀
 五萬兩幣帛各一萬匹兀魯台瓜忽兒銀五千兩
 幣帛各一百匹諸王小薛金百兩銀萬兩鈔千錠
 赤吉金二百兩銀二萬二千五百兩鈔九千錠及
 紗羅絹布各有差八八金百兩銀萬兩金素段五
 百紗羅絹布四千五百拔都不倫金百五十兩銀
 五十兩幣帛紗羅萬疋木白金銀各二百五十兩
 幣帛紗羅萬疋也里千金五千兩銀五十兩鈔千
 錠幣帛紗羅二千匹按答兒秃等金千二百五十

兩銀十二萬五千兩鈔二萬五千錠幣帛布毛二
 萬三千六百六十六疋愛牙合赤等金千兩銀一
 萬八千三百六十兩絲萬兩綿八萬三千二百兩
 金素幣一千二百匹絹五千九十八匹部曲羊馬
 鈔二十九萬餘錠馬二萬六千九百一十四羊十
 萬二百一十駝八牛九百武宗賜函王出伯金千
 五百兩銀二萬兩鈔萬錠寬閣孛可等金二千三
 百兩銀一萬七百兩鈔三萬九千一百錠麻兀兒
 除登極恩賜外金五百兩銀千兩鈔二千錠鎮南
 三老章又親王八不沙金五百兩銀五千兩鈔二

千錠定王藥木忽兒千五百兩銀三萬兩鈔萬錠
 高唐王注安金五千兩銀五萬兩又諸王喃荅失
 言鈔二百五十萬貫文宗賜諸王阿刺忒納失里
 月魯帖木兒知樞密院事不花帖木兒金各五百
 兩銀各二千五百兩鈔各萬錠西域諸王燕只台
 吉金二千五百兩銀萬五千兩順帝賜親王撒戀
 荅失金百兩銀千兩鈔萬錠綺帛裘各三百匹
 成王賜亦都護金五百五十兩銀七千五百兩合
 迷里斤帖林金五十兩銀四百五十兩定西王奧
 魯亦寧遠王濶七赤鎮南王脫歡也先帖木兒等

金各五百兩銀五千兩鈔二千錠幣帛各二百匹
 帖木兒不花也只里不花等金各四百兩銀四千
 兩鈔一千六百錠幣帛各一百六十四匹安西王阿
 難荅鈔二十萬錠寧遠王濶七出六萬錠諸王呵
 只吉二十萬錠漢與元之賜宗室如此其去我
 朝何啻十倍也

有功之賞

有功之賞可攷者洪武二十年賜楚王貞秦馬二十
 匹黃牛二千頭鬘牛一千頭羊九千隻并陝西草場
 一處以征雲南阿魯禿等處功也又賜晉王岡及燕

王諱鈔各一百萬錠以征迤北功也洪武三十五年
賜谷王惠樂七奏衛士三百金銀槍大劔金三百兩
銀三千兩綵幣三百疋鈔三萬錠馬四匹金籠鞍轡
二副歲加祿米三千石以金川門功也永樂十四年
賜蜀王椿黃金二百兩白金千兩鈔四萬錠王帶一
金織袞龍紵絲紗羅衣九襲紵絲綾羅紗各五十疋
絨錦十疋綵絹千疋兜羅錦十條高麗布百疋米千
石胡椒千斤馬十匹金鞍轡二副以發谷府反謀功
也二十二年賜趙王高燧白金三千兩鈔三萬貫綵
幣二百表裏馬十匹以護送山陵勞也

卷六十七

弇山堂別集卷六十八

吳郡王世貞元美著

命將上

自高廟至今親征之外凡大舉平敵出塞者悉紀
之

按洪武初年定出師獻俘儀注錄之

遣將出師授節鉞禮儀

前期拱衛司設大將軍次於午門外兵部官備節鉞
陳於奉天殿內架上內使監設御座于殿中侍儀司
設大將軍拜位于丹墀中道稍西又設受節鉞位於

御前俱北向設內贊位及授節鉞官位授節鉞執事
位於大將軍受節鉞位之北東西相向百官侍立位
於文武樓之北東西相向通班贊禮位於大將軍丹
墀拜位之北通班在西贊禮在東引大將軍二人位
於通班之次其餘侍衛陳設如朝會儀是日鼓初嚴
侍儀導從官入迎車駕次嚴文武官具朝服入侍立
位大將軍朝服入立候於丹墀之西北所部將士鼓
吹皆候於午門外鼓三嚴 皇帝服武弁服出樂作
陛座樂止鳴鞭捲簾報時訖引班引大將軍就丹墀
拜位贊禮唱鞠躬拜樂作四拜興樂止引大將軍由

西陞陞西門入內贊接引至御前唱鞠躬樂作再拜
興樂止唱跪播笏大將軍跪播笏授節鉞官取節鉞
至御前跪承制興立於大將軍之東北宣制位先授
節次授鉞大將軍以次受訖以授執事者執事跪受
立于西唱出笏俯伏興樂作大將軍出笏俯伏興復
再拜樂止自西門出執節鉞者前行至位分立于左
右樂作贊禮復唱鞠躬四拜興禮畢樂止 皇帝興
樂作還宮樂止大將軍出勒所部建旗幟鳴金鼓正
行列擊節鉞奏樂前導百官以次送出

遣將告祭廟社儀

遣將告祭廟社儀與遣官奏告廟社禮同就命大將以牲幣行一獻禮師還則陳凱樂俘馘於廟社門外而祭告之與出師祭告儀同

大將奏凱儀

先期大都督以露布聞大將未至前百所司設大將次于午門外內使監官陳御座於午門樓上前楹當中南面侍儀司設大將拜位於樓前北向諸將位於大將之後文武百官位於諸將之南文東武西奏凱樂位於大將位前協律郎於奏凱位之北司樂位於協律郎之南俱北向贊禮位於樓前大將拜位之北

文武官侍立於兩傍諸將侍立位於文武班之北俱東西相向大將侍立位於諸將之北東向引班舍人位各於所引官之北東西相向又設獻俘位於樓前少南獻俘將校位於獻俘位北刑部尚書奏位於將校之北皆北向又設刑部尚書受俘位於獻俘位西東向設露布案於內道正中南向受露布位於案東西向承制位於案東北西向宣露布位於文武班之南北向至日清晨大將以下入就侍立位 皇帝常服乘輿出升樓即御座侍衛如常儀大將以下就拜位贊拜大將以下皆四拜退就侍立位贊奏凱樂協

律郎執麾引樂工就位司樂俛伏跪請奏凱樂協律
郎舉麾鼓吹振作徧奏樂曲其曲隨事撰述樂止司
樂跪唱謹奏樂畢協律以下以次退凱樂初奏將校
引俘俟立於兵仗之外樂畢贊宣露布承制官承旨
以露布付受露布官引禮引受露布官詣露布交跪
受由中道南行以授宣露布官宣訖將校引俘至位
刑部尚書跪奏曰某官某以其處所俘獻請付所司
奏訖退就受俘位俟 旨其就刑者立於西廂東向
以付刑官其宥罪者樓上承制官宣 旨曰有勅釋
縛樓下承傳宣 旨釋訖贊禮贊所釋之俘謝恩皆

四拜呼萬歲者三將校以所釋俘退如有所賜就宣
旨賜之大將以下就拜位皆四拜搯笏舞蹈山呼萬
歲者三出笏復四拜乃出文武官就位四拜搯笏舞
蹈山呼如常儀復四拜班首稍前跪稱賀致詞訖俯
伏興復位及衆官復四拜禮畢乘輿降樓還宮百官
以次出

論功行賞儀

前期内使監陳御座香案于奉天殿如常儀尚寶司
設寶案于殿中侍儀司設詔書案於寶案之前誥命
案於丹陛正中之北設皇太子諸王侍立位於殿上

卷六十八
之東北設承制位於殿上之東宣制位于丹陛誥命案之北吏部戶部禮部尚書位於殿上之東南設大都督府兵部尚書位於殿上之西南應受賞官拜位於丹墀中序立位於丹墀西南受賞位於誥命案之南受賞執事位於受賞官序立位之西每官用捧誥命捧禮物各一人俱北向餘陳設如朝會儀是日鼓三嚴執事官各就位 皇帝服袞冕御輿以出樂作陛座樂止捲簾鳴鞭報時訖皇太子諸王具袞冕自殿東門入樂作至殿內侍立位樂止受賞官入就拜位樂作四拜樂止承制官跪承制由殿中門出吏部

戶部禮部尚書由殿西門出立于誥命案東承制官至丹墀中南向稱有制受賞官皆跪宣制曰朕嘉某等為國建功宜加爵賞今授以其職賜以其物某恭承朕命宣畢受賞官俯伏興樂作再拜樂止行賞受賞官第一人詣案前跪搢笏吏部尚書捧誥命戶部禮部尚書捧禮物各授受賞官受賞官以授左右出笏俯伏興復位餘官以次受賞訖承制官吏部尚書等俱至御前復命退復位樂作受賞官皆再拜樂止搢笏鞠躬三舞蹈跪呼萬歲者三出笏俯伏興樂作復四拜樂止禮畢 皇帝興樂作至謹身殿樂止皇

太子諸王還宮受賞官及文武官以次出至午門外
以誥命禮物置于龍亭用儀仗鼓樂各送還本第明
日進表稱謝如常儀

丙午八月庚戌 上以討張士誠告大江之神辛亥
中書左相國徐達為大將軍平章政事常遇春為副
將軍率師二十萬發建康辛酉師至太湖己巳常遇
春敗其兵於湖州港癸酉進湖州之毗山又敗其兵
甲戌至湖州遂圍之破其援兵潘元紹等又破士誠
於皂林乙巳又大破其援兵於舊館戊寅遂平舊館
寨得五太子等兵六萬人十一月甲申湖州李伯昇

等降己丑平章朱文忠平杭州潘原明等降癸卯大
將軍達等兵至姑蘇城南鮎魚口擊士誠兵破之遂
圍姑蘇達軍葑門常遇春軍虎丘郭子興軍婁門華
雲龍軍胥門湯和軍閶門王弼軍盤門張溫軍西門
康茂才軍北門耿炳文軍城東北仇成軍城西南何
文輝軍城西北四面築長圍守之吳元年丁未正月
庚子松江府嘉定州降六月己酉士誠出犯副將軍
遇春兵大敗之壬子復出兵西門遇春復敗之八月
辛巳達兵破葑門遇春兵亦破閶門新寨遂凌城士
誠兵大潰執之得其官屬平章左丞叅政內史等官

及將校吏士外郡流寓之人凡二十餘萬已丑士誠
至建康自縊死偽吳平

吳元年十月甲午中書左丞相信國公徐達為征虜
大將軍平章軍國重事鄂國公遇春為副將軍率兵
二十五萬由淮入河北取中原辛未沂州王宣父子
納次壬午宣叛達討平之十一月辛丑達師克益都
遂徇下其屬州縣十二月丁未都督張興祖兵至東
平降元衆五萬洪武元年二月丙午遇春自濟南取
東昌癸丑克之丁巳都督同知康茂才以兵益大將
軍丙寅達師下樂安三月甲申達奏所下山東鄆縣

獲卒三萬二千餘人馬一萬六千餘疋己亥達進攻
汴梁至陳橋左君弼等迎降四月戊申達遇春自虎
牢進攻河南破脫因帖木兒兵五萬河南降戊午達
分兵取陝州遇春下汝州甲子上行幸汴梁都督馮
宗異破潼關元守將望風奔潰辛卯遇春宗異至行
在見 上乙未辭六月庚子朔達至行在謀取元都
癸卯辭己未會兵於河陰七月丁酉渡河閏七月庚
子徇河北州郡癸卯下彰德丁未下廣平己酉師次
臨清檄東昌兵來會癸丑達率馬步舟師北上戊午
下長蘆辛酉抵直沽獲海舟七作浮橋以濟師遇春

等各率舟師並河東西以進馬步夾之元丞相也速
等望風遁癸亥達師至河西務大破其平章俺普達
等兵丙寅入通州復破其國公知院兵是夜三鼓元
帝及其后妃太子開建德門北走八月庚午達進師
圍元都將士填濠登城而入達登齊化門樓執其監
國宗室淮王帖木兒不花及太尉中書右丞相慶童
平章迭兒必失朴賽因不花右丞張康伯御史中丞
滿川戮之獲諸王六人玉印二玉璽一封其府庫圖
籍寶物等又封故宮殿門宮人妃主令其宦寺護視
號令士卒無得侵暴人民皆安堵癸未偏將軍湯和

平章楊璟從達甲午右副將軍馮宗異從達征山西
九月戊戌朔達改故元都安貞門為安定門建德門
為得勝門戊申徇永平下之甲子大兵發北平乙丑
下保定府丁卯下中山府己巳遇春兵克真定壬申
右副將軍宗異偏將軍湯和兵渡太行破碗子關癸
酉取澤州丁丑取潞州乙卯達略平定州戊午克河
中府十一月甲子達檄宗異以潞州之師會十二月
丁卯元丞相擴廓帖木兒由太原出鴈門謀復北平
達兵擣太原擴廓還救未合戰夜襲其營盡覆之得
壯士健馬各四萬擴廓遁遂悉下山西州縣二年正

月遇春兵攻大同守將竹貞走三月達至鹿臺遂入
奉元路元平章李思齊張思道等遁遇春進攻鳳翔
下之李思齊奔臨洮達師至鞏昌守將虎都帖木兒
汪靈真保等出降宗異進逼臨洮李思齊降五月張
良臣以慶陽降尋復叛六月甲戌達自涇州率諸軍
圍之巳卯遇春與副將李文忠率步騎九萬取開平
敗元兵于錦州敗之於金寧又敗之於大興州進攻
開平元主先北奔追北數百里俘其宗王平章斬之
得將士萬人車萬輛馬三千疋牛五萬頭巳亥遇春
卒李文忠代將之八月丙寅破元脫列伯之師降其

衆萬餘癸未克慶陽斬張良臣達等還京師賞賚有
差此克元之大畧也

吳元年十月甲子征南將軍胡廷美副將軍何文輝
兵由江西取福建正月破建寧執叅政陳子琦獲將
士九千七百九十餘人馬二百七十一疋十二月征
南將軍湯和取福州洪武元年正月師至延平執平
章陳友定二月癸卯廷美徇汀泉諸郡縣悉降之福
建平是日平章廖永忠為征南將軍叅政朱亮祖副
之率舟師由海道取廣東丙辰永忠等諭廣東右承
何真壬戌勅贛州衛指揮使陸仲亨等率兵益永忠

等三月何真以廣東行省降四月巳卯末忠移兵取梧州廣東西悉平

洪武三年春命右丞相信國公達復為征虜大將軍浙江行省平章李文忠為左副將軍右都督馮勝為右副將軍御史大夫鄧愈為左副副將軍湯和為右副副將軍分道出征沙漠四月丙寅大將軍達率師出安定駐沈兒峪口與擴廓帖木兒隔深溝而壘日數交戰擴廓發千騎由間道從東山下潛劫東南壘一壘皆擾達親率兵救之敵乃退遂斬其壘指揮數人以徇軍中股栗明日整兵出戰諸將爭奮遂大破

之於川北亂塚間擒元知王文濟王及國公閻思孝平章韓札兒虎林等官一千八百六十五人將校士卒八萬四千五百餘人獲馬萬五千二百八十餘疋橐駝驢騾雜畜稱是擴廓僅以身免辛丑左副將軍李文忠師趨應昌未百里獲胡諜訊之云元主已殂自應昌往開平報國喪文忠即督兵進癸卯大破元兵追圍其城明日克之獲元主嫡孫買的里八剌并后妃宮人暨諸王省院達官士卒并獲宋元玉璽金寶一十五宣和殿玉圖書一玉冊二鎮圭大圭玉帶玉斧各一及駝馬牛羊無筭太子愛猷識里遁走得

師旋頌 詔天下封賞有差

四年正月丁亥伐偽夏命中山侯湯和為征西將軍
江夏侯周德興德慶侯廖永忠為左右副將軍率營
陽侯楊璟等京衛荆襄舟師由瞿唐趨重慶潁川侯
傅友德為征虜前將軍濟寧侯顧時為左副將軍率
河南陝西步騎由秦隴趨成都閏三月楊璟師進攻
瞿唐與戴壽戰不利退還歸州四月丙戌潁川侯攻
階州克之己丑克州州敗其平章丁世真庚寅命永嘉
侯朱亮祖為征虜右副將軍發兵益湯和癸巳友德
兵度青州果陽白水江遂趨隆州庚子克之癸卯克

綿州破向大亨兵六月壬午克漢州大敗戴壽兵德
破吳友仁兵於古城丙戌德慶侯廖永忠率所部兵
至舊夔府破其平章鄒興等辛卯破瞿唐關入夔州
明日湯和亦至與永忠分道和率步騎永忠率舟師
會攻重慶丙申友德兵至成都己亥永忠自夔乘勝
抵重慶偽夏主明昇遣使納款癸卯湯和至昇與其
母彭面縛街壁請降承制釋之七月友德大破偽丞
相戴壽兵尋請降得士馬三萬庚辰偽平章下世真
竄山谷死庚子友德及江夏侯兵克保寧執吳友仁
蜀地平

洪武五年正月甲戌命征虜大將軍達兵五萬出中路左副將軍文忠兵五萬出東路征西將軍勝兵五萬出西路征王保保即擴廓帖木兒也達至山西境都督藍玉兵至土刺河遇保保敗之保保走五月壬子達兵至嶺北與虜戰不利歛兵守塞別將中山侯和與虜戰於斷頭山不利指揮章存道死之六月戊寅勝及左副將軍陳德右副將軍傅友德師至蘭州友德率驍騎五千趨西涼敗元失刺罕之兵至永昌又敗元太尉朵兒只已于忽刺罕口大獲其輜重牛馬進至掃林山勝等師亦至友德手射死元平章不

花斬其黨四百餘降太尉鎖納兒加平章管住等至甘肅守將上都驢以吏民降進至亦集乃路守將卜顏帖木兒以城降進師破元岐王朵兒只班獲其平章長加奴等二十七人及馬駝牛羊十餘萬友德復追敗之於瓜沙州收其兵獲金銀印馬駝牛羊二萬餘而還甲辰文忠師至口温地虜棄營遁獲牛馬輜重無筭進至哈莽來虜別部驚潰復進至臚胸河輕騎襲虜至土刺河虜將蛮子哈刺章覘知之悉騎兵結陣以待文忠與戰虜稍却復進至河魯渾河虜騎益衆搏戰不已文忠馬中流矢急下馬短兵接泛者

劉義直前奮擊以身蔽文忠指揮李榮見事急以所乘馬授文忠自奪虜馬乘之文忠橫槊徑進士皆殊死戰虜遂敗走獲人畜萬計追至彌海虜復大集文忠勒兵椎牛饗士縱所獲馬畜於野示以閒暇居三日虜疑有伏兵不敢逼乃遁去文忠亦引歸宣宣侯曹良臣指揮使周顛張耀韋榮皆戰死是舉也大將軍所遇勁故敗失士馬數不可殫然孤懸塞外而能還保塞諸將無所亡失蓋一敗而能整故耳左副將軍雖名為勝之敢深入失亡過當幾至喪師征西將軍所遇靡故全勝而右副將軍功最多然賞罰俱不

行史謂達與諸將固請北征恐未必然也前是月餘上特召達文忠勝賜之交陟弓五十彤弓百而不及鄧衛公無何二將並命實上意也故不得而罪之宋公與指揮千百戶俱不賞而賞止旗軍則聞其有私馳馬之議耳

洪武十年四月吐蕃部川藏邀殺使者命衛國公鄧愈為征西將軍都督同知沐英為副將軍率陝西諸衛兵十餘萬討之五月愈等分兵為三道擣其巢穴遂大破川藏之衆追奔至崑崙山斬首萬餘級獲馬牛羊十餘萬遣涼州等衛將士分戍碾北等處而還

愈行至壽春遇疾卒追封寧河王尋封沐英為西平侯將士陞賞有差

十三年故元國公脫火赤知樞密院愛足率眾數萬屯於和林為邊患命西平侯沐英等率陝西兵往討之英師至靈州遣候騎偵知脫火赤等兵次亦集乃路遂率精騎渡黃河經寧夏歷賀蘭山涉流沙凡七日夜至其境去穹廬五十里分軍為四道至夜術枚而進合圍之擒脫火赤愛足盡獲其部落男女馬駝牛羊以歸悉封諸將安陸侯吳復等十餘人為列侯十四年九月命穎川侯傅友德為征南將軍永昌侯

藍玉西平侯沐英為左右將軍率三十萬眾征雲南丁未友德至湖廣遣都督胡海洋等率兵五萬由永寧趨烏撒十二月戊辰友德等至曲靖大破梁王將達里麻兵於白石江擒之斬獲萬計友德自率眾數萬擣烏撒而分兵授玉英趨雲南王申梁王把匝剌瓦爾密走羅佐山轉入普寧州草舍自縊死癸酉玉等兵入雲南定之追將分道取雲南諸路庚辰友德大破元右丞實卜兵遂城烏撒得七星關以通畢節又克可渡河於是東川烏蒙芒部諸蠻望風降附十五年正月辛巳別將攻威楚路降之壬午降其曲靖

宣慰司中庾徵江武定三路七州六縣閏二月癸卯左右副將軍兵進攻大理克之分兵取鶴慶麗江破石門關下金齒於是車里平緬等處俱求降雲南悉平

洪武二十年春正月癸丑命宋國公馮勝為征虜大將軍穎國公傅友德永昌侯藍玉為左右副將軍南雄侯趙庸定遠侯王弼為左叅將東川侯胡海武定侯郭英率兵二十萬北伐以元丞相納哈出近邊故也三月辛亥師出松亭關駐大寧五月丁丑勝等至遼州東獲納哈出屯卒三百人馬四十餘疋遂進師

金山之西使其故將乃刺吾來云納哈出有三營畜牧甚盛不肯會虜主期至是見逼於我乃遣使至大將軍陽為納款而實覘我兵勢勝遂遣藍玉往一禿河受其降虜見我兵盛還報納哈出乃指天嘖嘖歎曰天不與我有此衆矣遂率數百騎詣玉約降玉大喜與飲懽甚納哈出酌酒酬玉玉請之先納合出即先飲更酌以授玉玉解衣衣之曰請衣此而後飲因相與爭讓久之納哈出取酒澆地顧其下咄咄語將脫去時鄭國公常茂在坐其麾下趙指揮者解胡語以告茂直前薄之納哈出驚起欲就馬茂拔刀斫

之傷臂不得去都督耿忠擁以見勝其所部將士妻子凡十餘萬松花河北聞納哈出被傷遂驚潰勝遣觀童諭之其降者凡四萬餘并得其各愛馬所部凡二十餘萬人羊馬驢駝輜重亘百餘里追獲北奔車輜四萬四千九百六十三傷殘達軍二萬四千二百二十九人是役也踰於霍冠軍之降休屠渾邪耳第以大將軍與鄭公茂爭功相訐勝還朝待罪茂削爵流雲南舉軍無賞者然王處置之失宜僅亞於茂而茂之直前斫納哈稍失之躁耳亦未可盡非也
二十年九月丁未永昌侯藍玉為征虜大將軍延安

侯唐勝宗武定侯郭英為左右副將軍都督僉事耿忠孫恪為左右參將討北虜二十一年三月乙卯出師至百眼井丙辰至捕魚兒海偵虜主营在海東北八十餘里以定遠侯王弼為前鋒直薄之虜方欲北向聞大軍至大尉蠻子拒戰敗之殺蠻子及其兵數十人衆遂降虜主脫古思帖木兒與其太子天保奴知院裡怯來丞相失烈門等數十騎遁去玉率精騎追之出千餘里不及而還獲其次子地保奴等六十四人及故太子必里禿妃并公主等五十九人又追獲吳王代王及平章八蘭等二千九百九十四人軍

第... 卷... 廿五
士男女七萬七千三十七口得寶璽圖書牌面一百
四十九宣勅照會三千三百九十道金印一銀印三
馬四萬七千疋馳四千八百四頭牛羊一十萬二千
四百五十二頭車三千餘輛聚其甲兵焚之尋又破
故元將哈刺章營獲其軍士一萬五千八百三戶馬
馳四萬八千一百五十餘疋

二十一年七月西平侯沐英奏東川諸蠻據烏山路
結巢而叛上下三百里人跡阻絕詔大猷馬步兵命
潁國公傅友德仍為征南將軍英為左副將軍普定
侯陳桓為右副將軍景川侯曹震為左叅將靖寧侯

葉昇為右叅將往討之尋賜友德勅諭友德等謂東
川芒部諸夷種類雖異而其始皆出囉囉厥後子姓
蕃衍疆場乃異其名曰東川烏撒烏蒙芒部祿肇水
西無事則互起爭端有事則相為救援近稱諸蠻不
叛者號為循良固未可逆詐然湏加防閑嚴整師旅
使彼不得肆其姦謀然後賊可破也又戒以山勢險
峻道路崎嶇林箐深邃其人如猿猴猝難捕獲宜且
駐兵屯種待以歲月然後可圖九月友德等討越州
叛酋阿資文遣靖寧侯昇破平東川獲叛蠻五千五
百三十人十一月友德討阿資置平夷千戶所於其

山二十二年正月破阿資普安寨獲其兵千三百馬
牛羊五千三百頭二月進擊阿資於越州敗之斬其
黨大頭宗等五十餘人獲馬牛羊萬計阿資勢窮
與其母請降三月命友德駐沅州申國公鄧鎮駐大
庸魏國公徐允恭駐常德曹國公李景隆駐安陸開
國公常昇駐辰州靖寧侯葉昇駐襄陽普定侯陳桓
駐岳州雄武侯周武駐武昌吉安侯陸仲亨駐蘄州
安陸侯吳傑駐茶陵東平侯韓勳駐黃州東川侯胡
海駐寶慶南雄侯趙庸駐長沙宣寧侯曹泰駐瞿塘
宣德侯金鎮駐施州靖海侯吳忠駐衡州江陰侯吳

高駐永州全寧侯孫恪駐沔陽延安侯唐勝宗駐黃
平都督張鈺王誠孫彥駐桂陽忠州道州信國公子
湯鼎六安侯子王威駐長寧夷陵諭以休息士卒控
制蠻夷七月以友德疾召還

二十三年正月以故元承相咬住太尉乃兒不花知
院阿魯帖木兒平童忽哥赤等將為邊患詔普王燕
王各率所部大軍討之尋命穎國公傅友德為征虜
前將軍南雄侯趙庸為左副將軍懷遠侯曹興為左
副將軍定遠侯王弼為左叅將全寧侯孫恪為右叅
將赴北平操練兵馬聽燕王節制復命齊王率山東

都司青交州護衛及徐邳二衛精銳馬步官軍隨征
聽燕王節制仍遣都御史鉄古思帖木兒以勅諭咬
任等降二月燕王率兵出古北口友德等各以所部
從燕王諭之曰吾與諸將軍受命提兵沙漠掃清胡
虜今虜無城郭居止其地空曠千里行師必有耳目
不得其所難以成功諸將聽命即發哨騎探得虜跡
知乃兒不花咬任等駐廬帳於遁都遂進兵適大雪
諸將欲止燕王曰天今大雪虜必不疑我至宜乘雪
速進遂抵遁都隔一磧虜不之覺乃先遣指揮觀童
往招之觀童與乃兒不花舊至則相抱持而泣倉卒

間我師已壓虜營虜衆大驚乃兒不花欲上馬走觀
童諭以燕王自至毋恐也乃兒不花咬任素聞王威
信遂不去觀童引之來見王王降辞色待之即賜之
酒食令醉飽慰諭遣還營虜甚喜覲遂無遁意將至
營又復召還如是再三遂悉收其部落馬馳牛羊以
歸捷聞詔乃兒不花等將校二百餘人入朝獻太尉
等銀印四金牌三銀牌八鐵牌五并所受元宣命二
十八道以乃兒不花為留守中衛指揮使阿魯帖木
兒為燕山中護衛指揮咬任為副都御史忽普赤為
工部右侍郎賜紗帽金帶龍衣鈔錠銀兩有差晉王

兵出塞不見虜而還

建文二年七月燕王起兵北平執殺都指揮使謝貴
左布政使張昺事聞命征虜將軍長興侯耿炳荪三
十萬衆伐之八月以十三萬衆戰於真定敗績炳文
僅以身免左副將軍駙馬都尉右副將軍都督顧成
都指揮劉遂俱被獲九月命太子太師曹國公李景
隆率兵五十萬代炳文賜節鉞得專征伐是月遼東
總兵江陰侯吳高復敗績大寧失守寧王與其二護
衛兵皆為燕十月景隆等悉衆攻圍北平不下十一
月燕王自大寧還救景隆等大敗走屯德州以燕王

間書削遼東帥吳高爵戍廣西專任都督楊文三年
正月燕王圍大同景隆引兵出紫荆救之遇燕王復
還德州令左副將軍武定侯郭英右副將軍安陸侯
吳傑駐真定尋合兵進至白溝河與燕王大戰連日
復敗績死及降者數十萬景隆走德州燕師來薄景
隆走濟南燕師遂取德州追擊至濟南景隆戰復敗
走燕師遂圍濟南山東布政司左叅政鐵鉉擊却之
燕王歸北平六月遣尚寶司丞李得成講和於燕八
月都督徐凱等敗於滄州被擒詔都督盛庸以兵駐
東昌與燕兵大破之王走北平進封庸歷城侯為平

燕將軍諸將咸屬焉三年二月庸進兵大戰於滹沱始勝之再戰大敗死者十餘萬庸走德州閏三月吳傑及都督平安兵復敗於滹沱北死者復十餘萬順德廣平大名俱失守遣大理少卿薛崑使燕諭罷兵五月都督袁宇兵復敗十月都指揮花英等兵復敗被獲十一月遼東兵圍永平者復敗四年三月平安兵復大敗於徐州命駙馬都尉奔殷以重讎淮安號四十萬盛庸率餘兵走與殷合左都督何福等復大敗於靈璧福走左副摠兵陳暉右副摠兵平安右叅將馬溥都督徐真等三十七員禮部侍郎陳性善大

理寺丞彭與明欽天監副劉伯完等一百五十員皆被擒死者六萬餘人泗州失守盛庸兵復敗於淮安失戰艦以千數燕王遂南揚州失守命皇後姑慶成郡王如師請和割地不許六月盛庸等集舟師拒之瓜州復大敗王遂度江鎮江失守命魏國公徐輝祖開國公常昇等率兵分道出禦之復大敗遣曹國公李鼎隆兵部尚書茹瑞都督王佐行成不許景隆等遂納款復命諸王如師行成不許燕王兵至金川門谷王穗開門內之京師失守

弁山堂別集卷六十八

谷王勳開門內之京輔大夫

奉命討賊命諸王以輔行如不持其王兵至金州門

開國公常景率兵自出討賊

公以討賊大規王勳賊兵盡去夫守命張因公射賊

將至賊帥靜味擒賊不日六月八日盜賊皆集其南

夫帥謝以千獲其王殺南賊賊夫守命追賊故賊

賊帥以千獲其王殺南賊賊夫守命追賊故賊

賊帥以千獲其王殺南賊賊夫守命追賊故賊

弁山堂別集卷之六十九

吳郡王世貞元美編

命將下

永樂四年五月安南國王陳天平還國遣都督魚事

黃中呂毅以兵五千送之封其僭臣胡奎為順化郡

公盡食所屬州縣三月己巳胡奎邀殺天平四月辛

未事聞上大怒七月辛卯命成國公朱永為征夷

將軍西平侯沐晟新城侯張輔為左右副將軍豐城

侯李彬雲陽伯陳旭為左右叅將統兵八十萬征之

仍勅占城王木邦宣慰夾攻之十月戊子將軍能以

疾卒於龍州新城侯輔代揔其衆以進乙未輔師發
憑祥度玻壘關前哨破之檄安南將吏數胡奎父子
二十罪丙申破鷄陵關庚子搜芹站伏哨昌江造浮
橋至北江府謀西平侯晟兵至白鶴遣驃騎將軍朱
榮往會謀知賊衆號七百萬沿洮江沱江富良江立
柵以守丁未下詔以新城侯為征夷將軍十二月辛
卯西平侯奪宣江江面軍次洮江北岨與多邦城對
壘新城侯攻洮江造浮橋濟師遣朱榮敗賊於嘉林
江北尋克多邦城大破賊遂循富良江南下擣其東
都破之癸卯復破西都屢敗其兵三江等路皆請降

五年正月丙辰敗其援兵斬首三萬七千餘日已
復敗之於木丸江斬首萬餘辛巳復敗之於富良江
斬首數萬胡奎父子脫身走五月甲子獲胡奎父黎
季黎於海口山中乙丑獲黎蒼於南望山即胡奎也
安南平六月癸未詔示天下定為都布按三司衛十
千戶所二戶十五州四十一縣二百八安撫人民三
百一十二萬有奇獲蠻人二百八萬七千五百有奇
糧儲一千三百六十萬石象馬牛共二十三萬五千
九百餘船隻八千六百七十七艘軍器二百五十三
萬九千八百五十三件進封新城侯為英國公西平

侯為黔國公六年八月乙酉交趾賊簡定鄧悉等反
命黔國公晟率兵四萬討之尚書劉儁參軍事十二
月丁酉晟與簡定戰生厥江敗績尚書儁都督呂毅
皆死之二月壬午命英國公輔為征虜副將軍清遠
侯王友副之發兵南討八月己未英國公敗賊於鹹
子關九月庚午復敗賊於太平海口十一月生獲偽
虞上皇簡定等八年正月丙子敗賊黨院師檜等丁
酉簡定及偽將相陳希葛等伏誅英國公還京八年
五月丁丑黔國公晟追賊首陳季獮等於虞江破之
斬首二千餘級戊寅晟別將江浩與賊黨鄧景異戰

不利季獮尋請降赦之以為交趾布政使鄧景異為
都指揮九年正月己卯英國公仍佩將軍印率兵二
萬四千合晟兵往討七月丙子輔晟敗賊於月常江
十一月癸亥復破賊於沿海盡殲其醜類十年八月
癸丑輔復大破之於神投海十一年十二月復大破
之於爰子江十二年正月壬辰誅賊首鄧景異甲午
獲阮帥等三月癸未獲偽越國大王陳季獮等餘黨
悉平英國公等賞賚加等

七年秋七月癸酉淇國公丘福為征虜大將軍武城
侯王聰同安侯火真為左右副將軍靖安侯王忠安

平侯李遠為左右叅將率十萬騎討北虜本雅失里治其殺使臣郭驥之罪也甲寅福以千餘騎先至敗虜遊兵於驢胸河遂度河謀知虜相距三十里不待師集徑薄其營與戰相持二日每戰虜輒佯敗引去福銳意乘之虜衆益盛福謀遣同安侯使虜假言求和自率騎繼之同安侯不可福厲聲曰不從命者斬既行虜伏發安平武城二侯率五百騎突虜陣殺賊數百人力屈死兵遂大潰福與王忠火真俱被執見殺士卒死者數萬人追削淇國公爵遷其家海南宣德元年夏四月命太子太保成山侯王通佩征夷

將軍印充總兵官都督馬瑛充叅將兵部尚書陳洽仍叅替軍務往交趾等處征討叛寇黎利發楚蜀護衛兵二千人南直隸福建六省兵萬五千人廣西弩手三千餘人及本省土兵三萬人使將之前是交趾總兵營昌伯陳智都督方政討利敗績故也九月命鎮遠侯顧興祖以廣西兵五千益通其月通抵交趾十月通所部都指揮袁亮兵與利黨黎善戰不利善等分兵為三道來逼交趾通等出戰叅將馬瑛破賊於清威與通師會應寧縣渡寧橋遇敵大敗尚書陳洽死之通中傷而還黎利自安聞之自率衆會善

進圍東關十二月通大懼傳檄清化州迄南城池悉聽利管屬其官吏軍民皆令出城赴東關惟清化知州羅通指揮丁忠不從利分兵擊之不能下事聞詔以太子太傅安遠侯柳升佩征虜副將軍印為總兵官保定伯梁銘為左副總兵都督崔聚為右叅將大傅黔國公沐晟佩征南將軍印為總兵官與安伯徐亨為左副總兵新寧伯譚忠為右副將軍分兩道討利升所統兩京湖浙二廣十二省兵晟所統四川雲南兵合七萬人二年正月通出兵大破賊斬偽司徒黎牙偽司空丁禮等萬餘級衆請急攻之通不決三

日利兵復振三月再發諸省兵四萬五千二百八益升黎利兵陷昌江都指揮李任中官馮智知州利子輔等俱死之八月柳升兵至隘留關具書請罷兵立陳氏後兵進累破柵直抵鎮夷關升意輕賊以輕騎百餘前進渡橋遇伏中標死從騎皆沒軍中洶洶是日銘以病死明日李慶亦以病死大兵為賊所乘遂覆沒崔聚被擒不屈死之而晟兵遂怛沮不敢進十月事聞黎利上章進方物請立陳氏後詔遣禮部左侍郎李琦工部右侍郎羅汝敬為正使右通政黃驥鴻臚卿徐永達為副使齎詔撫諭之命王通等班師

十二月王通不俟命與利盟率師及文武官吏家屬八萬六千六百四十人還三年閏四月至京文武廷臣劾奏通及馬瑛方政三司官布政弋謙等俱論死錮禁之籍其家五月李琦等還奏陳氏之當為後者嵩於正月中病死支裔遂絕於是命利權其國事而交趾失矣

正統六年定西伯蔣貴挂平蠻將軍印克總兵官兵部尚書王驥總督軍務率左副總兵李安右副總兵劉聚等合漢土兵十五萬討麓川宣慰思倫發初洪武間平雲南獨百夷酋長思倫發未服後為其頭目

刁干孟所逐赴京陳訴命為宣慰使居麓川分其餘地置孟養木邦孟定三府隸雲南路江等四長官司隸金齒永樂元年陞孟養木邦為宣慰後孟養宣慰刁木但與其隣讎殺而死緬甸宣慰新獻加乘其敝取之新獻加復為所殺麓川思倫發之次孫思任發代為宣慰復乘緬甸敝取之遂侵孟定府及灣甸等州欲盡復祖故也累詔撫諭之不從遂用兵而黔國公晟兵往不利都督同知方政等戰死晟暴卒弟都督同知昂繼之復敗至是始大用師焉十月進兵破其上江寨其將刁放憂刁招漢等斬首虜五萬餘聞

十二月至騰衝進兵累破其衆遂平麓川殺溺死者將十萬人思任蒞父子走孟養師旋封賞有差八年五月以思任發走緬甸索之不獲賊子思機發復據麓川為寇復遣貴驥等率大兵五萬討之九年二月破麓川兵進至緬甸敗之獲賊妻孥家屬九千餘人捷聞詔班師陞賞有差然叛賊終不能正法而西南騷然矣

正統八年正月命成國公朱勇恭順侯吳克忠太監僧保出喜峰口與安伯徐亨太監曹吉祥出界嶺口都督馬亮太監劉永誠出劉家口都督陳懷太監但

住出右北口各將精兵萬騎約至黃河土河兩叉口會遼東各路兵馬剿兀良哈等 三衛達賊二月勇等各捕鹵首級俘獲人畜器械陞賞有差

正統十四年正月命寧陽侯陳懋為總兵官保定伯梁瑋平江伯陳豫為左右副總兵都督范雄董興為左右參將刑部尚書金濂提督軍務太監吉祥陳蕪為監督大發兵討福建寇鄧茂七等先是茂七以沙縣押拒捕殺巡檢遂反聚衆至五十餘萬遂自称閩王初以都督劉聚為總兵陳榮副之陳詔劉德新為左右參將僉都御史張楷監軍討之陳詔兵未至閩

遇處州賊葉留與戰敗死茂七勢益熾攻建寧掌府
事左叅政張瑛戰不利死之賊遂進延平與劉聚遇
中流矢兄子伯孫代之十一月懋等進兵平之凡斬
獲萬餘人

十四年三月都督徐恭為總兵官討處州賊葉宗留
等宗留者銀坑盜也以十二年反而征閩者都督陳
詔兵遇之敗歿明年張楷兵征閩遇於宗留復遣副
總兵陳榮討之復敗歿乃遣恭以二千騎馳至處州
會宗留中流矢死其黨益熾恭與都指揮沈鱗耿定
至晟出戰鱗等皆歿恭僅以身免會張楷兵至稍稍

得敗之遂諭降其黨以敗故功不論

十四年十月命都督同知董興兵部侍郎孟鑑僉都
御史楊信民討廣東賊黃肖養先是肖養叛圍廣州
殺都指揮王清勢大震景泰元年三月興兵至廣時
賊畏信民恩威稍稍降散四月興遇賊於大洲頭大
戰破之殺溺萬餘人肖養中流矢被擒伏誅餘黨悉

平

成化元年正月命都督同知趙輔為征夷將軍右都
督和勇為遊擊將軍左僉都御史韓雍釐理軍務調
兩京江西湖廣兵萬人及土兵十五萬人征兩廣叛

金華山堂別集 卷之六十九 七
蠻二年輔雍破大藤峽賊寨二百二十四斬首二千
二百七級生擒七百八十二人獲賊屬婦女二千七
百一十八人攻大藤峽為斷藤峽尋又攻破五村大
帽山黃沙吳峒等寨斬首四千四百二十八級生擒
二百餘人獲賊屬男婦二百七十餘人奪獲被擄男
婦三千九百四十六人詔輔班師雍留封爵陞賞有
差

成化元年十二月命撫寧伯朱永為靖虜將軍都督
同知喜信為左叅將都督僉事鮑政為右叅將工部
尚書白圭提督軍務太監唐慎右少監林貴監軍統

京營山東下班兵萬五千及川貴湖廣兵討荆襄反
賊劉千斤等二年四月賊平擒千斤等二千五百七
十餘人斬首二千五百五十餘級獲賊屬子女一萬
一千六百餘人牛馬驢騾一萬一百八十有奇招撫
脇從流民一萬八千五百三十餘人續斬賊首二百
三十四人獲賊屬三百六十七人九月復破平之擒
石和尚劉長子等六百餘人永等封爵陞賞有差
成化三年五月命左都御史李秉提督軍務武靖伯
趙輔佩靖虜將軍印充總兵官往遼東征建州女直
凡五萬騎命朝鮮以萬騎佐之十月從撫順關出塞

蠻二年輔雍破大藤峽賊寨三百二十四斬首二千二百七級生擒七百八十二人獲賊屬婦女二千七百一十八人改大藤峽為斷藤峽尋又攻破五村大帽山黃沙吳峒等寨斬首四千四百三十八級生擒二百餘人獲賊屬男婦二百七十餘人奪獲被擄男婦三千九百四十六人詔輔班師雍留封爵陞賞有差

成化元年十二月命撫寧伯朱永為靖虜將軍都督同知喜信為左叅將都督僉事鮑政為右叅將工部尚書白圭提督軍務太監唐慎右少監林貴監軍統

京營山東下班兵萬五千及川貴湖廣兵討荆襄反賊劉千斤等二年四月賊平擒千斤等二千五百七十餘人斬首二千五百五十餘級獲賊屬子女一萬一千六百餘人牛馬驢騾一萬一百八十有奇招撫脇從流民一萬八千五百三十餘人續斬賊首二百三十四人獲賊屬三百六十七人九月復破平之擒石和尚劉長子等六百餘人永等封爵陞賞有差
成化三年五月命左都御史李秉提督軍務武靖伯趙輔佩靖虜將軍印充總兵官往遼東征建州女直凡五萬騎命朝鮮以萬騎佐之十月從撫順關出塞

抵其境破之左哨擒五十一人斬首二百四十五級
俘男婦一百六人奪被虜男婦七百十七人獲牛馬
器械無筭右哨擒十五人斬首一百四十四級俘男
婦二十九人奪被虜男婦一百九十五人獲牛馬器
械無筭尋縱兵深入先後復擒三十一人斬首二百
五十九級俘男婦十六人奪被虜男婦二百五十三
人獲馬牛器械亦稱是朝鮮奏賊酋李滿住等三百
八十六級生擒二十三人獲牛馬羊二百餘詔班師
輔進封侯秉等陞賞有差

三年命太監劉恒兵部尚書程信總兵官襄城伯李
瑾征四川都掌夷分六哨進兵四年二月克龍背豹
尾等寨尋焚寨一千四百五十七處斬首三千一十
七級生擒九百五十三人俘賊屬八百餘口馬牛羊
豕三千鉦鼓鏢弩等軍器五千餘事瑾等加祿賞賚
有差

成化四年七月命都察院右副都御史項忠總督軍
務都督劉玉充總兵官太監劉祥監軍率京營延綏
寧夏等騎兵萬三千討石城叛寇滿四等先是滿四
等以虜裔散處固原邊地家富饒為叅將劉清指揮
馮傑迫賄不能應清遣滿四姪指揮璠捕之四等遂

擁璫入石城以叛衆漸集五千餘人馮清攻之不利
陝西鎮撫遣都指揮刑端申澄討之復大敗事聞詔
會寧夏延綏兵討之陝寧兵先進戰復大敗賊附者
益衆至是始遣忠等尋益邊兵合五萬人忠初至敗
其衆斬首數百而伏羗伯毛銳中流矢死我師遂挫
乃議築砦為長圍五年二月滿璫降四之腹心楊虎
力亦降乃使虎力誘四出戰徼擒之又三日城潰斬
首數千級擒千人以二百人獻俘餘悉斬之夷石城
險其餘黨走慧箒山者至明年亦就擒忠等陞賞有
差

成化六年命都察院右都御史項忠總督軍務督同
湖廣總兵官右都督李震撫勦別襄流民七年七月
奏斬叛者千級俘其族屬老幼共二萬八千七百餘
人諭遣復業者九十二萬八千餘人後疏又云一百
五十餘萬人忠等陞賞有差

十五年命太監汪直監督軍務撫寧侯朱永佩征虜
將軍印征遼東建州夷右副都御史陳鉞叅贊軍務
仍勅朝鮮國王李娒夾攻十月永等奏破焚四百五
十餘寨斬首六百九十五級俘四百八十六人以大
捷聞明年娒遣使奏捷直加祿永進封公陞賞有差

十六年正月太監汪直監督軍務太子太保左都御史王越提督軍務保國公朱勇為平虜將軍率京兵萬人赴延綏征虜宣大寧夏固原甘肅諸鎮出精兵三萬應之三月王越奏與直襲賊於威寧海子生擒男婦百七十一斬首四百三十七獲旗纛十二馬一千八十五駝三十一牛一百七十六羊五千一百盛甲弓箭皮袄之類一萬有奇以大捷聞直等加祿越封伯餘陞賞有差

本年十二月太監汪直仍為監督威寧伯王越為提督太子太傅保國公朱永仍平虜將軍印為總兵官往大同征虜十七年二月破賊於黑石崖生擒十人斬首一百十二級獲馬七百二十九疋器械六千二百餘件以大捷聞直越加祿永與世襲餘陞賞有差弘治十四年七月命南京戶部尚書王軾兼左都御史提督軍務帥湖廣雲南樞州等處土兵三萬三千人討貴州賊米魯米魯者普安州土官隆暢出妾霑益州土官安民女也隆暢老以子禮代職米魯依禮居而與營長阿保通構禮與父暢隙暢逐保而燬其室保遂叛與禮借外兵焚暢別部廬舍殺其從人暢怒誅禮米魯遂與保發兵攻暢破百餘寨暢走之雲

南鎮巡使之講和魯陽聽命而誘暢毒之遂益熾分其兵為四寨保遂僭稱王總兵東寧伯焦俊巡撫都御史發兵萬餘討之傑阿保及其子米魯亡走久之復熾官兵追捕之不利都指揮吳遠被執乃詔軾督太監楊友總兵官豐閏伯曹愷都御史鉞討之軾未至而太監友貪功率兵先入其地米魯以萬眾劫營遂虜友而殺右布政使閻鈺按察使劉福都指揮李宗武等凡五將貴州大震軾至具以聞詔大發兵合十萬人討之十五年七月分八道以進累戰破之獲米魯及賊黨福佑凡下寨千餘擒百九十人斬首四

千八百餘級俘男婦千餘賜勅獎諭班師餘陞賞有差

正德四年三月命太子少保刑部尚書左都御史洪鍾總制湖廣鄖陽及陝西河南四川等處軍務并總理武昌等府賑濟事宜以湖廣等處荒旱多盜故也六年命鍾督同都御史林俊等討四川大寇藍廷瑞廖麻子鄔本恕七年永順宣慰彭世麟誘獲廷瑞本恕加鍾太子太保俊右都御史餘陞賞有差未幾廖麻子等復熾八月召鍾還右都御史彭澤總制軍務右都督時源充總兵官代之八年四月擒廖麻子係

喻老人復叛九年二月就擒賊平澤等陞賞有差

正德五年四月寧夏寘鐫反書聞詔御用監太監張永總督軍務涇陽伯神英佩平胡將軍印充提督官總制陝西三邊右都御史楊一清提督軍務統京營兵二萬及各路兵討之戶部右侍郎陳震暫代一清行事兼整理糧草本月遊擊將軍仇鉞襲執寘鐫五月詔班師鉞封伯餘陞賞有差

六年二月起復左都御史陳金總制江西浙江福建湖廣南直隸等處軍務鎮巡等官悉聽節制聽以便宜行事五月東鄉等處賊平破柵二百六十五俘七

百五十餘人斬首萬一千六百七十三級八月姚源賊平斬首五千餘級又破華林賊斬首二千餘金等陞賞有差八年以餘賊猶熾命右副都御史俞諫爲提督代金權任亦如之右都督劉暉充總兵官十一月大盜王重七等就擒金諫後先雖平賊有功而所縱狼兵殺掠人子女劫剽財物金時尤甚故人爲之謠曰王賊尚可官兵殺我

六年三月命太保惠安伯張備充總兵官右都御史馬中錫提督軍務統京營精騎二千及河南山東北直隸兵討流賊劉六劉七齊彥名等八月命兵部左

侍郎陸完為提督統宣府延綏兵合討之其月以中
錫偉無功下獄完專督師太子太傅伏羌伯毛鉞為
總兵官太監谷大用監督陸閻監神鎗數戰有功賊
衆楊虎趙鏐入河南者尤熾伏羌伯敗績七年三月
命右副都御史彭澤提督軍務咸寧伯仇鉞為總兵
官陸閻為監督率邊兵討之閻五月河南賊平劉七
等入湖廣詔都御史澤伯鉞與完相去督軍撫鎮而
下悉聽節制八月完平劉七等於狼山前後斬獲數
萬人鉞進封侯大用閻皆封一兄伯爵完等陸賞有
差

十年北虜犯宣大近邊詔御用監太監張永總督軍
務太子太保都察院左都御史彭澤提督軍務御馬
監太監張忠監督神鎗京營騎卒二萬合宣大遼
薊兵禦之仍賜永金關防鋼劍得便宜行事賞賜兵
銀數十萬計不遇虜而還

十一年土魯番陷哈密虜其王及金印仍犯甘涼等
處詔太子太保都察院左都御史彭澤提督軍務總
陝西三鎮兵討撫之以綵幣易印及王而還後以不
得要領奪澤官

嘉靖三年大同兵叛殺都御史張文錦詔戶部侍郎

胡瓚都督魯綱督兵討之都督桂勇以計徼其叛者再亂再定瓚等無功而還十二年復叛殺總兵李瑾詔總制兵部左侍郎劉源清都督邵永督兩鎮兵討之遇虜救戰不利逮源清下獄以左侍郎張瓚代之即中詹澂等誘捕叛逆誅之瓚等賞賚有差

六年總督兩廣右都御史姚鏌總鎮太監潘潤總兵撫宣侯朱麒等討破田州府叛守岑猛僇之以捷聞鎮進太子少保左都御史潤等加祿賞賚有差田州土目盧蘇王受以七萬人挾猛子以叛討之不利事聞詔奪鏌等加職即家起南京兵部尚書新建伯王

守仁提督兩廣江西湖廣等處軍務督同姚鏌等合兵進討鏌尋放歸里守仁至軍招諭蘇受請降杖之百赦不誅并赦猛子改田州府為田宣府設流官統之事聞賜守仁白金五十兩綵幣四表裏遣行人獎諭

十六年禮兵二部會廷臣議安南偽酋莫登庸僭逆十大罪當討詔會推素有才望大臣以為總督等官起原任南京刑部右侍郎胡璉為戶部左侍郎右副都御史高公韶為右侍郎俱兼右僉都御史總督糧餉璉雲貴公韶兩廣都督僉事等官江桓克左副總

兵都指揮楊昂田茂克左叅將孫繼武克右叅將樊
泰蕭萬湯慶陳偉克遊擊將軍各領兵征討兵科給
事中李鶴鳴御史傅鳳翔往兩廣刑科給事中馬汝
彰御史胡時濟往雲貴各紀功起復右都御史毛伯
溫至京將命之大帥已暫俱停止十七年命寧夏鎮
守總兵官咸寧侯仇鸞還京挂征夷副將軍印克總
兵官總督征南諸軍工部尚書毛伯溫為兵部尚書
兼右都御史叅贊軍事尋以兵部覆議用兵事宜不
稱旨復暫停以恭上皇天上帝大號皇祖謚號陛下
憂服滿禮部左侍郎黃綰為本部尚書兼翰林院學

士右春坊右諭德張治為翰林院學士齎詔及幣招
諭安南仍令至承天行在面諭行事蓋欲寄以相機
撫討也十八年登庸子方瀛遣使臣阮文泰等奉表
款鎮南關請降復命禮兵二部會議尋以綰它奏忤
旨罷之仍命侯鸞伯溫南征十九年鸞至廣東挾重
書責征蠻將軍安遠侯柳珣戎服行屬將禮珣不聽
鸞遂劾珣珣上書自列詔勒鸞歸以珣代之本年伯
溫等至廣西徵集兩廣福建湖廣狼土官軍十五萬
并檄雲南守臣及諸司俱會議分正兵為三哨分奇
兵為二哨烏雷山等處水兵為海哨及議雲南所集

漢上兵于蓮花灘為兩哨與黔國公沐朝輔安遠侯
柳珣提督軍務侍郎蔡經巡撫都御史汪文盛等部
署已定馳檄安南吏民諭以朝廷興城繼之絕義討罪
止於莫登庸父子有能舉郡縣來降者即以郡縣優
之擒登庸父子降者賞白金二萬兩官以顯秩其登
庸父子果能束身歸順亦待以不死伯溫等駐師近
邊登庸聞之惧遣使詣軍乞降詞頗卑切伯溫等承
制許之會登庸子方瀛已死乃於十一月三日留其
孫福海守國而自與從子文明大酋阮如桂等四十
餘人入閩街組繫頸詣所設闕庭徒跣蒲伏驛上降

表復詣軍門再拜畫籍土地軍民職官悉聽慶分欽
州所奏被侵四峒境上願以內屬仍請奉正朔舊賜
印章護守以候更定伯溫等乃諭之歸而上疏言狀
下兵戶禮議上命降安南國為都統司以莫登庸為
都統使秩從二品子孫世襲別給印信舊所僭擬制
度削去改正海陽山等十二路各置宣撫司設宣撫
同知副使僉事各一員更襲黜陟俱付登庸四峒侵
地還屬欽州廣西布政司歲給大統曆俾奉正朔三
歲一貢乃加伯溫太子太保蔡經右都御史珣太子
太傅朝輔太子太保參政翁萬達等進一官輔臣夏

言翟鑿以決策公郭勛禮部嚴嵩以與議及仇鸞汪文盛兵部張瓚等賞賚有差

二十九年八月北虜俺荅阿不孩等犯塞入掠畿甸以威寧侯仇鸞為平虜大將軍節制諸路主客兵馬文官三品以下武官總兵以下不用命者以軍法從事都御史楊守謙陞兵部左侍郎同提督內外諸軍討之尋以守謙不擊賊弃市大將軍鸞尾虜至白羊口迤東紅橋等處猝與虜遇潰走死傷千餘人詔賞鸞及諸將金幣各有差仍進鸞太保總督京營戎政三十年議開馬市俺荅尋執叛人蕭芹等以獻加仇

鸞兼太子太傅歲祿二百石蔭一子錦衣衛副千戶監馬市兵部侍郎史道轉尚書各賞金幣八月鸞帥京邊兵馬二萬七千分布白羊等口十一月總督都御史何棟等獲姦細哈丹兒陳通事告於廟社侯鸞加太傅兼太子太師歲祿一百石蔭一子錦衣衛指揮僉事何棟陞左侍郎蔭一子錦衣衛千戶總副等官陞賞有差兵部尚書趙錦史道俱加太子少保各蔭一子錦衣百戶侍郎聶豹陞俸有差輔臣嚴嵩子世蕃進工部右侍郎蔭一子錦衣衛千戶李本陞禮部尚書直贊尚書徐階加少保孫承恩太子少保公

朱希忠兼太子太師都督陸炳太子太保餘賞賚有
差三十一年正虜犯威遠城等處鳶自請行邊詔不
許三月鳶始出師至大同上言出鎮川堡行二百餘
里伏兵起溝下前軍陣亡者二十人傷者二百十三
人失馬二百疋鹵賊首五級獲達馬三十疋詔賞鳶
白金五十兩綵幣四表裏諸將戴綸等三十六人各
白金十兩鳶尋還師八月虜聚大眾邊外謀犯喜峰
口鳶當出師而病乃奪其大將制勅兩印章其夕
病死數日通虜事發詔保其屍分縣九邊妻子俱斬
藉其家

三十二年五月以倭寇犯浙江南直隸等勢倡獮命
叅贊機務南京兵部尚書張經不妨原務兼都察院
右都御史揔督南直隸浙江山東兩廣福建等處軍
務一應兵馬錢糧悉听便宜處分不用命者武官都
指揮文臣五品以下許以軍法從事三十四年工部
右侍郎趙文華條陳禦倭便宜首請遣大臣祭東海
禮部覆上以問大學士嚴嵩右之遂命文華往祭告
并督察軍機賊情文華至促瓦氏土兵出戰敗績尋
以張經久無成績改都察院右都御史兼兵部右侍
郎剋期平賊不許怠誤

弇山堂別集卷六十九

弇山堂別集卷七十

吳郡王世貞元美著

謚法考序

余嘗有謚法通紀三十卷列其凡而序之所以標先
王制謚之本旨與歷代沿革輕重之變畧備矣至
明亦有紀而未甚詳於是徧考金匱國史之藏秘閣
之籍參以家乘而後靡所不備凡有釋義者皆闕籍
也每故事大臣卒禮部以謚請報俞矣則內閣以兩
字者三請于

上而自擇之是以具釋義也洪武之尚爲吳也諸功

臣死事及有勞而夭者皆榮公侯之爵而傳之謚終
高帝世文臣弗得也武臣即都督弗贈侯伯弗得也
至建文而待制王禕得謚文節矣文臣之有謚自禕
始也其謚小臣者亦自禕始永樂制嚴矣終

太宗世文臣之得者僅姚恭靖廣孝胡文穆廣而恭
靖之爵則公也文臣之有謚僅文穆一也洪熙初始
大合故臣凡勞於

國誼於青宮三品而上易名者十餘人而後文臣之
謚廣然

宣英之代猶斤斤焉持其柄而弗輕予且夫魯王愛

子也秦王次嫡子也

高帝命之曰荒曰愍而登之冊曰不敢以子故而廢
天下公其於宗室諸子王尚有評也文臣之有榮
也則瑕弗掩也文榮之以爵也文愍之以事也庶幾
寓貶矣嬖人之有謚也自

后妃而外則死節也公主之有謚也自

仁宗之悼愛女始也乳媪之有謚也自

宣宗始也乳媪之夫之有謚也亦自

宣宗始也方士之有謚也自

世宗始也謚而四字淫矣而使方士得之則益淫也

當

世宗之季吾又得二事焉夏文愍之持秉則同列皆中謚及身以罪死易世而後牽復所得者中下謚也繼而嚴氏之持秉則其子爲市焉非上所甚注懷者必賄而後得不賄不得也即得之不腆不上謚也及身以罪竄削弗謚也夫謚者人主之春秋也尊則稱天以命之不尊則與天下共隲之而柰何爲大臣脩怨賈利地也然則如之何其必畧採唐宋故事遇大臣以謚請有

俞旨則翰林之司篆者爲議而定二謚焉以授禮科科詳之復議而上之閣臣復衷而取上裁凡文臣二品而上及勛親臣公必謚侯伯之蒞軍府加保傳必謚七兼美惡二品以下自鄉佐以迨庶僚有德行政術亦有謚七則言官請之禮部裁之有美無惡可也

自國初以至

先臣勛臣若傅友德若徐輝祖之類文臣若章溢若唐鐸若胡儼若魏源之類武臣若劉玉馬永王効之類諫臣若楊瑄黃鞏王思揚爵之類儒林若吳與弼陳獻章胡居仁之類文苑若李夢陽何景明楊慎李

攀龍之類追之以謚可也勛臣若李善長馮勝若廖
求忠耿秉文若丘福之類文臣若陳循若徐有貞之
類追之以謚七而不盡蔽瑕可也又若于謙者易之
以上謚可也萬安劉吉汪鋈張瓚者易之以下謚可
也凡此數者皆所謂與天下共隲之操法於賞罰之
外而毋使人得而議其後者也

謚法紀一

一字謚

德玄 懿 恒 熙 裕 仁 淳
太 高 成 文 昭 宣 章 英 睿

景 憲 孝 敬 武 毅 獻 世 肅

穆 莊

恭 定 瑞 靖 簡 惠 和 安 康

順 僖 思 懷 愍 殤 悼 哀 隱

戾 厲 荒 榮

謚法紀二

二字謚

文 正 文 貞 文 成 文 忠 文 端 文 定

文 簡 文 懿 文 肅 文 毅 文 憲 文 莊

文 裕 文 節 文 義 文 靖 文 穆 文 昭

文恪 文恭 文襄 文清 文脩 文康

文敏 文達 文通 文介 文安 文和

文僖 文榮 文愍 文思 文隱

武寧 武毅 武敏 武惠 武襄 武順

武肅 武靖 武信 武義 武莊 武壯

武桓 武愍 武烈 武勇 武僖

忠文 忠武 忠定 忠烈 忠簡 忠肅

忠毅 忠敬 忠憲 忠節 忠顯 忠靖

忠襄 忠敏 忠安 忠僖 忠穆 忠威

忠順 忠壯 忠宣 忠勇 忠愍 忠剛

忠愍

孝勇

謚法紀三

二字謚

懿文 懿莊 懿安 懿定 懿簡

昭靖 昭定 昭僖 昭安 昭簡 昭憲

昭穆 昭和 昭毅 昭裕 昭順 昭榮

昭獻 昭懿 昭靜

宣武 宣靖 宣懿 宣和 宣穆 宣惠

宣僖 宣思

憲穆 憲懷

純靖 敬順

毅愍 毅敏 毅勇

敏肅 敏毅 敏靖

恭懿 恭簡 恭裕 恭襄 恭莊 恭和

恭穆 恭僖 恭肅 恭安 恭惠 恭獻

恭毅 恭端 恭懷 恭恪 恭敏 恭榮

恭康 恭慎 恭順 恭愍 恭介 恭憲

恭定 恭靖 壯武 壯勇 壯毅 壯敏 壯靖 壯愍

壯節 順簡 順靖 順僖

哀冲 哀簡

謚法紀四

二字謚

莊敬 莊獻 莊懿 莊簡 莊靖 莊定

莊憲 莊敏 莊毅 莊肅 莊穆 莊安

莊僖 莊裕 莊襄 莊康 莊和 莊惠

莊恪 莊靜 莊武 莊愍 莊順 莊隱

貞襄 貞肅 貞懿 貞靜 貞烈 貞節

貞惠 貞順

襄毅 襄簡 襄靖 襄敏 襄惠 襄烈

襄武 襄恪 襄榮 襄愍 襄悼

勇襄

定襄 定恭 定肅

介肅 成穆

清簡 清惠 清愍

節愍 愍烈

康懿 康肅 康敬 康簡 康靖 康端

康定 康憲 康裕 康僖 康惠 康穆

康和 康恪 康順 康毅 康敏 康獻

康悼 康隱

謚法紀五

二字謚

溫懿 溫憲 溫肅 溫靖 溫定 溫簡

溫穆 溫僖 溫和 溫惠 溫靜 溫隱

僖靖 僖裕 僖安 僖康 僖敏 僖簡

僖武 僖穆 僖順 僖愍 僖恪

安懿 安簡 安憲 安肅 安靖 安和

安莊 安裕 安定 安恭 安僖 安穆

安惠 安恪 安順 惠恭 惠簡 惠榮

惠懿 惠簡 惠恭 惠莊 惠靖 惠榮

惠安 惠襄 惠穆 惠和

景成 景惠

榮懿 榮昭 榮壯 榮隱 榮莊 榮靖

榮肅 榮毅 榮端 榮憲 榮簡 榮康

榮襄 榮恭 榮定 榮恪 榮惠 榮愍

榮安 榮和 榮穆 榮僖 榮懷 榮順

榮悼 榮繆 榮虛 榮戾 榮愿 榮思

榮淑 榮善

懷獻 懷懿 懷莊 懷康 懷靖 懷安

懷簡 懷僖 懷順 懷和 懷穆 懷悼

懷隱 懷榮

謚法紀六

二字謚

肅敏 肅安 肅愍 肅簡 肅僖 肅貞

簡肅 簡襄 簡懿 簡定 簡靖

靖懿 靖莊 靖恭 靖肅 靖簡 靖僖

靖惠 靖和 靖安 靖康 靖襄 靖順

靖節

和靖 和僖 和惠

崇武 崇善 崇敬

勤敬 桓襄 桓義

剛毅 剛勇

威武 威毅 威襄 威靖 威勇

思裕

端憲 端靖 端肅 端簡 端懿 端穆

端和 端毅 端定 端僖 端裕 端惠

端敏 端康 端恪 端莊 端襄 端勤

端順 端愍 端榮 端隱

悼恭 悼懿 悼莊 悼簡 悼定 悼靖

悼康 悼安 悼平 悼懷 悼惠 悼和

悼僖 悼昭 悼順 悼隱 悼戾

隱懷

四字謚

恭仁康定 恭和榮順 恭順榮穆

恭莊端惠 恭和安靖 恭恪莊僖

恭淑安僖 端靖恭惠 端靖安和

莊靖安榮 莊僖端肅 昭肅靖惠

昭惠恭懿 昭肅靖端 忠敬昭順

惠穆昭敬 康惠莊肅 康穆懿恭

貞順懿恭

靖莊安穆

安和榮靖

文康榮靖

榮康惠肅

六字謚

恭肅端順榮靖

端和恭順溫僖

榮安惠順端僖

謚例謚

親王謚例用一字郡王二字其文武大臣亦用二字
 與否取自上裁若官品未高而侍從有勞或以死勤
 事特恩賜謚者不拘常例洪武初議謚俱本部奉
 旨施行二十五年令本部行翰林院擬奏請 旨弘
 治四年令今後有乞 恩贈謚者本部斟酌可否務
 合公論不許一槩比例濫請
 十五年奏准凡 親王薨逝行巡撫巡按等官覈勘
 郡王病故行本府 親王及承奉長史等官覈勘善
 惡得實明白結報具奏定謚

又奏准文武大臣有請謚者本部照例上請得旨
行吏兵二部備查實蹟本部定為上中下三等以行
業俱優者為上行實頗可者為中行實無取者為下
開送翰林院擬謚請旨

一字謚

德

德祖

右

廟號

高皇帝四世祖

唐有德宗謚法執義揚善曰

德

玄

玄皇帝

右即

德祖帝號

唐有玄宗謚法有其文而無其義

懿

懿祖

右

廟號

高皇帝三世祖

謚法溫柔賢善曰懿

親周王子防土成申王祐皆木鄭王祐畢木代王俊丈木

德王祐密木靖俱嘉

右俱柔克有光

恒

恒皇帝

右即

懿祖帝號

謚法有其文而無其義

熙

熙祖

右

廟號

高皇帝祖

謚法有其文而無其義

裕

裕皇帝

右即

熙祖帝號

謚法強學好問曰裕

仁

仁祖

右

廟號

高皇帝父 謚法有其文而無其義

仁宗

廟號也

文皇帝子 謚法同上

淳

淳皇帝

即

仁祖帝號 謚法有其文而無其義

太

太祖

廟號也 周公謚法不載後有之有其文而無其義

太宗

廟號也

太祖子 謚法同上

高

高皇帝

即

太祖帝號也 謚法有其文而無其義

成

即

文皇帝再定

廟號也 謚法安民立政又禮樂明具曰成

高親唐王彌帝金蜀王讓羽俱嘉

右安民立政

文

文皇帝

即

成祖帝號 謚法經天緯地曰文

昭

昭皇帝

即

仁宗帝號 謚法昭德有勞曰昭

親楚王楨隸秦王秉雙泓蜀王賓瀚德正韓王旭遷

代王克燿靖嘉追封肅世子縉焯為肅王壻追封

益世子載增為益王麟

右俱容儀恭美

宣

宣宗

廟號也

仁宗子 謚法聖善周文曰宣

親秦王懷卷隆

誠意外見

章

章皇帝

即

宣宗帝號 用增定謚法法度大明又敬慎高

明曰章

英

英宗

廟號也

宣宗子 謚法有其文而無其義

睿

睿皇帝

即

孝宗帝號 謚法有其文而無其義

睿宗

廟號也

憲宗子 嘉靖中追上

景

景皇帝

帝謚也

宣宗次子

謚法者意大圖布義行剛曰景

憲

憲宗

廟號也

英宗子

謚法博聞多能又賞善罰惡曰憲

親王韓王公永木樂

晉王美土楚王季兒俱正

荆王瞻罔

景泰唐王瓊旦

襄王瞻善化

成瀋王胤多禾

淮王厚壽

俱嘉靖

右俱行善可紀

周王有敬統正

博聞多能

純

純皇帝

謚法有其文而無其義

孝

孝宗

廟號也

憲宗子

謚法五宗安之曰孝

敬

敬皇帝

即

孝宗帝號 謚法合善典法曰敬

親王伊王許淳唐王温碗 俱嘉靖 晉王慎 鏡萬曆

夙興恭事

武

武宗

廟號也

孝宗子

謚法克定禍亂又威強敵德又保大

定功曰武

毅

毅皇帝

即

武宗帝號

謚法致果殺敵又強而能斷曰毅

獻

獻皇帝即

睿宗帝號

謚法智質有聖又聰明睿智曰獻

親王湘王百洪武未年蜀王春永追封艮永斬王艮永瞻艮永

末初寧王權正興王

即睿宗 正德

右俱聰明睿智

世

世宗

廟號也

睿宗字 古有世廟漢取以次太與高周公謚
法不載後有之

肅

肅皇帝

即

世宗帝號 謚法剛德克就執心決斷又正已
攝下曰肅

穆

穆宗

廟號也

世宗子 謚法布德執義曰穆
親 忻王見治成
王 化

中情見貌

莊

莊皇帝

郎

穆宗帝號 謚法履正志和曰莊

親王肅王英楚王孟完梁王瞻自統俱正岷王梗景

唐王芝正城肅初慶王邃屏晉王鍾玄俱弘徽王

見沛武弘廟祿潘王幼學德王見潁趙王祐采益王

厚華俱正魯王陽壽進封秦和僖王誠繁為秦王

遼王致各榮王祐樞周王朝網追封荆王載盛崇

王載竟淮王祐葵伊王訐淵俱嘉襄王厚頁吉王

翊真俱隆衡王厚喬萬

右俱履正志和

恭

親王晉王岡洪衛王瞻延韓王冲或俱正岷王徽柔

順慶王真叔遼王寵受追封恭靖唐王彌甘為

唐王潘王詮正肅王貢宗周王睦審衡王祐軍追

封襄王見芳徽王厚爵崇王厚翟追封秦王誠閏

景王載川追封趙王載音俱嘉荆王翊巨楚王英

僉俱隆代王廷奇萬

右俱敬順事上

定

親唐王丕宋周王肅洪熙蜀王友亥順襄王祁庸滋

伊王諲守金正淮王祐放木追封王見貢吉王厚肩火

秦王惟卓火肅王弼光木韓王融遂火壽王祐耆木俱嘉

右俱純行不爽

晉王濟喜火宣慶王台宏靖

右俱追補前過

端

親追封淮王見殿晉王知羊火楚王榮滅益王祐賓

魯王觀定火荆王厚全火追封秦王惟廉吉王載勻俱

靖

右俱守禮執義

靖

親唐王瓊亞蜀王友育俱宣越王瞻墉淮王瞻與

俱正韓王範坤周王子后俱景荆王初高鄭王

瞻多魯王肇軍俱成趙王見灞雍王祐雲崇王

祐密德正追封肅安和世子真於為肅王靖

右俱恭已鮮言

郢王棟樂慶王楨正遼王豪盛化寧王奠培追封

晉王奇源俱弘楚王均化金德追封恭和王勛世為

潘王岷王彦汰俱嘉追封榮康王祐曷為襄王靖

右俱寬樂令終

簡

親遼王直未樂代王圭正統伊王顥順天順肅王祿

化鄭王祁鍊秦王誠沫岷王膺弘弘

俱平易不訾

趙王高遂周王有爵景襄王見淑淑崇王見澤

武弘治初徽王祐臺吉王見浚涇王祐舜俱嘉

右俱一德不懈

藩王莫宣

正直無邪

惠

親安王盈追封寧王般趙王瞻塙景景韓王

徵金魯王泰堪秦王公易俱成代王成東蜀王申

鑿遼王恩稽周王同麤岐王祐命俱弘追封潘恭

裕王勛潛為藩王追封襄王祐嘉嘉慶王嘉嘉嘉

曆

右俱柔質慈民

和

親蜀王悅邵天天荆王祐間弘弘

右俱不剛不柔

安

親保土化追封伊王勉保土化追封淮王見廉德追封瀋府

榮懿王詮禾金為瀋王追封晉恭裕王為晉王表廉

追封秦臨潼惠簡王公銘為秦王趙世孫翊錙追

封趙王汝王祐亨靖嘉追封韓悼恭世子謨典為

韓王慶

右俱和好不爭

康

親景泰秦王志潔景泰瀋王佶焯楚王季叔肅王瞻焯俱

順化慶王秩焯寧王觀勻韓王偕鬻淮王祁全俱

治德鄭王祐洽追封晉端和王知焯為晉王追封

周悼康世子勤焯為周王襄王祐燾岷王譽焯趙

王厚焯

蜀王承焯

右俱溫柔好樂

順

親化岷王音析唐王宙木追封秦王秉樹嘉

右俱和比於理

僖

親木秦王志恒蜀王友熏追封鄭王見滋泓

右俱小心畏忌

思

親 追封代王聰 永泓 追封均王載 夔 靖

右俱追悔前過

懷

親 追封虞王雄 洪 滕王瞻 洪 秦王志 均 趙 韓

王範 正 蜀王申 鈺 秀王見 澍 慶王遂 雖 俱 成 追

封晉王表 襄王祐 俱 張 追封潘王胤 樞 追封

懷簡世子為魯王 當 從 戚王載 追封榮懷穆世

子厚 勳 為 榮王 追封德府懷順世子厚 敦 為 德王

追封肅王紳 者 追封岳王厚 肥 俱 嘉

右俱慈仁短折

愍

親 秦王 爽 洪 武

右使民悲傷

楚王顯 容 嘉 靖

右在國逢難

殤

親 穎王載 夔 嘉 謚法有其文而無其義

悼

親 許王見 淳 景 趙王祁 茲 天 順 韓王偕 流 伊王諶 凡 金

俱 成 追封蔚王厚 煒 泓 追封吉王祐 夫 嘉 靖

追封周王安橫弘追封魯王健弋靖王翊王俱嘉

右俱中年早夭

哀

親王薊王載賈嘉邠王常萬曆

右蚤孤短折

隱

親王秦王尚丙代王仕屢天

右俱違拂不成

戾

親王湘王百建文初謚邠王景後改謚追封代王遜

正統

右俱知過不改

厲

親王伊王彝

殺戮不辜

荒

親王魯王檀

好樂怠政

榮

皇世廟貞妃馬氏

寵祿光大



弁山堂別集卷七十



Handwritten text on the right side of the page, likely bleed-through from the reverse side. It appears to be a vertical column of characters, possibly a title or a list of items.

Handwritten characters in the upper right quadrant, possibly a date or a specific reference.

Handwritten text in the upper middle section, continuing the vertical flow of information.

Handwritten characters in the upper left quadrant, likely part of a larger inscription.

Handwritten characters in the center of the upper half, possibly a name or a specific title.

Handwritten text in the upper left quadrant, partially obscured by the circular stamp.

Handwritten characters in the upper left corner, near the binding edge.



Handwritten text in the lower left quadrant, continuing the vertical flow of information.

Handwritten characters in the lower left quadrant, possibly a signature or a date.

Handwritten text in the lower middle section, partially obscured by the stamp.

Handwritten characters in the lower middle section, continuing the vertical flow.

Handwritten text in the lower right quadrant, near the bottom edge.

Handwritten characters in the lower right quadrant, possibly a date or a specific reference.

Handwritten text in the lower right quadrant, continuing the vertical flow.

Handwritten characters in the lower right corner, near the bottom edge.